

曲海总目提要



曲海綱目提要卷四十一

江都黃文暘原本

武進董 康校訂

奪崑崙

作者未詳。記狄青奪崑崙關。青汾州人。從軍累立戰功。官至樞密副使。廣源川蠻儂智高以其衆叛。乘南方無備。連破邕賓等七州。至廣州。所至殺吏縱掠。東南大駭。朝廷遣驍將張忠。蔣偕。馳驛討之。甫至。皆爲所摧陷。又遣楊旼。孫沔。余靖。招撫。皆久之無功。仁宗憂之。遂遣青爲宣撫使。率衆擊之。青所居四面陳兵。穀弓努。皆數重。所將精銳。列布左右。守衛甚嚴。戒諸軍毋得妄與賊鬪。廣南西。南。鈴轄。陳曙。乘青未至。以步兵八千犯賊。潰於崑崙關。知邕州蘇緘與賊戰。復敗。走青至賓州。斬曙械緘以聞。時智高還守邕州。青懼崑崙關險阨爲所據。乃按兵不動。下令賓州具五日糧。休士卒。值上元節。令大張燈燭。首夜宴將佐。次

夜宴從軍官。三夜饗軍校。首夜樂飲徹曉。次夜二鼓時。青忽稱病。暫起如內。久之使人諭孫沔。令暫主席行酒。少服藥乃出。數使勸勞坐客。至曉。客未敢退。忽有馳報者云。是夜三鼓。元帥已奪崑崙矣。初。賊諜知青宴樂。不爲備。是夜大風。兩青率兵半夜時度崑崙關。旣度。喜曰。賊不知守此。無能爲也。已近邕州。賊方覺。逆戰於歸仁鋪。賊之標牌軍爲馬軍所衝突。又縱馬上鐵連枷擊之。遂皆披靡。賊大敗。智高焚城遁去。先是謠言農家種糴家收。智高爲青所破。皆如其謠。初。諫官韓絳言。青武人不足專任。請以侍從文臣爲之副。宰相龐籍曰。青起行伍。若以侍從之臣副之。彼視青如無。青之號令不得行矣。青昔在郾延。居臣麾下。沉勇有智略。若專以智高事委之。必能辦賊。於是詔嶺南用兵。皆受青節度。及捷書至。上喜謂龐籍曰。今日皆卿功也。青還。加護國軍節度。仍遷其子官。未幾擢青樞密使。左編智高兵敗奔邕州。其下皆欲窮其窟穴。青不從。智高獲免。天下皆罪青不入邕州。脫智高於垂死。然青主勝而已。不求奇功。卒爲名。

將 又云青始與孫沔破賊。謀一出青。賊已平。經制餘事。悉以委沔。沔始服其勇。又服其爲人莫及也。蔡條鐵圍山叢談。南俗尙鬼。狄武襄青征儂智高時。大兵始出桂林之南。道旁有一大廟。人謂其神甚靈。武襄遽爲駐節而禱之。因祝曰。勝負無以爲據。乃取百錢自持之。且與神約。果大捷。則投此期盡錢。面也。左右諫止。倘不如意。恐沮師。武襄不聽。萬衆方聳視。已揮手條一擲。則百錢盡紅矣。於是舉軍歡呼。聲震林野。武襄亦大喜。顧左右取百釘來。卽隨錢疏密布地。而釘帖之。加諸青紗籠。覆手自封焉。曰。伺凱旋。當謝神取錢。其後破崑崙關。敗智高。平邕管。及師還。如言取錢。與幕府士大夫共視之。乃兩字錢也。按史孫沔與狄青本非舊交。劇言沔與青微時契好。沔所聘妻有婢。爲青之舅所殺。青方爲卒徼巡。其舅以殺婢之刀。置于關廟周倉手中。侵晨。道路行者見婢尸。共報于官。執巡更者。則青也。其舅又挺身證成青罪。問大辟。繫獄。沔成進士。爲御史。心疑青屈。託言須審周倉。密令人以炭塗倉刀上。遠近聞之。以審周倉爲

異事觀者無算。青舅亦在衆中。沔忽閉門。使衆人先後捫倉刀。有殺人者。倉卽殺之。青舅獨不敢捫。沔使衆人出手觀之。皆黑。惟青舅白。鞫問。乃服罪。于是出青往投韓琦。立軍功。沔娶後官。亦漸顯。兩人偕承命征儂智高。遂破賊于崑崙關。此段情節。皆係增飾。青由韓琦賞識。則是實事。狄青舅名時漢無所出

### 出師表

此記明嘉靖中沈鍊子沈襄事也。楚人江進之嘗作沈小霞傳。小霞卽襄字。而今古奇觀小說有沈小霞重會出師表。出師表事。江傳未及其妾姓。及年家何人。中道何地。傳亦未詳。須參小說看之。乃爲完備。沈小霞傳。錦衣衛經歷沈鍊以攻嚴相得罪。謫佃保安。時總督楊順巡按路楷皆嵩客。受世蕃指。若除吾

瘍大者。侯小者。卿順因與楷合策。捕諸白蓮教。通俺答者。竄鍊名籍中。論斬。籍

其家。

沈鍊字青霞。浙江紹興人。嘉靖十七年戊戌科進士。歷任溧陽。任平清豐。知縣。左遷。錦衣衛經歷。嘗與嚴世蕃會飲。世蕃以巨卮強灌。馬給事酒給

事不能堪。鍊卽取灌給事卮。屬世蕃飲。語甚厲。世蕃不得已。而盡鍊等上疏劾嵩父子。嵩激上怒。謫佃保安州。保安子第多從鍊游。暇則縛草人。朋戲角射。書

其一曰唐奸臣李林甫。一日宋奸相秦檜。一曰明奸相嚴嵩。中則權呼痛飲。高父子聞之。大恨。屬宣大總督楊順。巡按使路楷。共密圖之。遂竄鍊名于白蓮教中。白蓮教者。妖人蕭芹所倡也。以術箝動俺答。且時為嚮導。總督史道。開馬市。以餌俺答。令誘芹至邊。殺之。而其黨頗衆。閻浩。楊引夔。亦其餘孽也。為蔚州衛所獲。順楷言。浩等師事沈鍊。鍊失職。怨望。教浩等煽妖勾敵。事下兵部。嵩屬尚書許論。議如所請。當鍊大辟。而順恐鍊語不遜。潛斃之獄中。此事皆關正史。即小說所書。亦不謬。小說以許論為刑部尚書。非是。是時以機密邊事。徑下兵部行之。許論以復定沈鍊之罪。大為公議。所不與。順以功蔭

一子錦衣千戶。楷候補五品卿寺。順猶怏怏曰。相君薄我賞。猶有不足乎。取鍊

三子杖殺之。而移檄越。逮公長子諸生襄。至則日掠治。困急且死。會順楷被劾

卒奉旨逮治。而襄得末減。問戍。鍊妻徐氏。長子襄。紹興府廩生。次袁。次褒。幼子

則重酬順楷。然所誅妖黨。非俺答部人。殺功蔭遷。已屬冒濫。順意猶未愜。故殺鍊子以重姆嵩也。袞袞被殺。殺嬰幼。無杖殺事。江傳誤也。鍊妻徙雲州。極邊。傳亦

未及。襄之始來也。止一愛妾從行。及是與妾俱赴戍所。中道微聞嚴氏將使人要

而殺之。襄懼欲竄。而顧妾不能割。妾曰。君一身沈氏宗祧所係。第去勿憂我。襄

遂給押者。城中有年家某。負吾家金錢。往索可得。押者恃妾在不疑。縱之去。久

而不返。押者往某家詢之。云未嘗至。還復叩妾。妾把其襟大慟曰。吾夫婦患難

相守無頃刻離。今去不返。必汝曹受嚴氏指。戕殺吾夫矣。觀者如市。不能判聞。

于監司。監司亦疑嚴氏真有此事。不得已。權使寄食尼菴。而立限責押者跡。襄

押者物色不得。屢受笞。乃哀懇于妾。言襄實自竄。毋枉我。因以間亡命去。久之

嵩敗。襄始出訟。冤捕順楷抵罪。妾復相從。襄妾從行一段。史書不載。江傳亦大略耳。据小說。襄妻徐氏留家。妾聞氏

小字淑女。從襄行。所謂中道者。濟甯也。年家某者。馮主事也。押者。張李二人也。監司者。王兵備也。吳時來。劾罷順楷。藍道行扶乩。暗詆嵩父子。鄒應龍劾戌世

蕃。林潤再劾世蕃。通倭法司覆奏。斬抄。沈襄辨冤。沈鍊復官。妻子鄒應龍劾戌世。召還原籍。沒入財產給還。沈襄訴順楷于朝。論治其罪。皆與史合。劇中大關目

在出師表一節。史傳未載。但載保安州學生聞世蕃正法。割其片肉以祭鍊。而

保安州至今有沈青霞祠。其賈石事。未知的否。然所据小說。其首尾皆不謬。則

當真有其事也。据云。鍊生平最喜前後出師表。手自抄錄。凡數百篇。其謫佃保

安也。州人賈石。夙慕其名。空宅讓鍊。自居他所。石兄衛千戶。石亦宣府衛舍人

也。兄沒。應代襲。棄而務農。鍊見其仗義。與結爲兄弟。及鍊瘐死。石買尸棺殮。埋

于隙地。而默記之。勸袞袞走避。兩人不能從。石知禍必及。將徙河南。見鍊有手



書兩出師表黏于壁上者。問袞袞索之去。未幾二子果被難。順楷并欲捕其居亭。不得而止。及沈襄雪冤受官。至保安訪父遺殖。茫然不能知。久之有老父延入草堂。挂一軸子。乃楷書前後出師表也。表後但寫年月。不書姓名。襄注視之。乃其父筆。老父爲言。往日與鍊交。及鍊被禍本末。云已因此避難。順楷罷去。始還故鄉。鍊妻在雲州。幼子已入學。不久將至。語未畢而表至。石引二子至鍊墓所。又言袞袞死。賴毛獄卒藁葬于城西。乃破土棺殮。車載三柩南還。向賈石乞出師表歸。懸供祠堂中。

### 豐年瑞

不知何人作。以山農時峻。累代積善。天賜雙珠子。孫榮顯。夫婦壽登百齡。福祿希有。故作此劇。抽出賞雪一節。名曰豐年瑞云。老農時峻。字守畦。常熟濱湖人。妻殷氏。弟時良。習匠業。長子時雍。世崇善德。上格蒼穹。小普陀菴中觀世音大士。敕利市招財龍王家宅土地錢神文昌田公田母南極王母天仙張仙諸

神皆默佑之。峻於雪中偕長子雍鋤田。湖中忽見蜃樓放光。龍女奉大士命。以寶珠二顆。置蚌內。峻父子網得之。妻適產次子。弟良攜酒共飲。卽取名曰時敏。良勸使雍出外經商。以珠一顆付之。行至松江。收綾布貿易。遇利市招財。幻作商人。授以武藝全書兵法。便覽二策。并傳劍法。雍攜貨抵劉河海口。颶風忽來。不得已投以寶珠。波濤始息。飄入扶南國。國中盡是女子。國主河東吼。愛雍少年聰俊。逼諧伉儷。與東西女國八百媳婦交易。得玉鞭海馬竹箭膠弓。滯留三年。載雍思親。別女主浮海而歸。行抵常熟。適穿窬貝戎。夜竊其家。爲諸神呵擊。一無所獲。方喘息林中。自語驚悸。爲雍所覺。拔劍欲誅之。貝戎哀訴饑寒所迫。時雍憫之。贈以白金十兩。戒其改過。雍歸家見父母。始知弟時敏。已過繼嘉禾豐姓。亦帶一寶珠去。豐姓者。乃文華殿大學士相度。字休文。止生一女。名夢花。因詣闕。舟泊濱湖。閒步遇時敏耕田。殷氏饁餉。見敏而愛之。且與夢花同年。月日時。卽繼作螟蛉焉。時良因雍歸家。辭往京師。是時于城大將軍侯封。字定遠。鎮

守沿海地方。其女繁弱。母早亡。獨居豐城。閱韜略書。初夏驟雨。以水甌受天泉。有龍吐珠甌內。卽雍所拋也。河東吼念雍不置。興師泛海索雍。侯封與戰。敗之。吼復引兵圍城。繁弱同蒼頭詣任省親。借小普陀尼菴暫憩。適相女夢花亦來進香。一言投契。結爲姊妹。夢花以母授寶珠贈繁弱。繁弱亦以天雨寶珠贈夢花。皆時峻所獲之珠也。繁弱聞扶南侵犯。急易男粧往。因天暮借宿峻家。雍願同往軍前效力。至城下。繁弱與河東吼大戰良久。雍時接戰。女主見之。責其薄倖。懇使歸國。時以家有父母。堅執不允。以玉鞭膠弓竹箭贈之。吼皆擲之海中。大愠而去。侯封敍時雍功。上聞。賜以明珠。其叔時良至京。爲木工。承役造麒麟閣。掘地得太平錢一千萬貫。乃仙人劉海默運至此也。良以貢於朝。授工部司務。敏在相家。聞其妹之乳母言。已係螟蛉。于是潛入閨房。竊明珠與夢花私訂婚姻之約。家人促赴試。文昌命魁星助其文思。朱衣點頭。三場旣畢。閑游街市。入酒樓沽飲。適雍齋捷奏來京。良亦登樓敍話。各出明珠相示。知相敏卽時敏。

骨肉歡聚之頃。報相敏中狀元。時雍代侯封掛干城將軍印。同賜宴麒麟閣。時敏乃具疏陳情。請得歸宗。且娶夢花。奉旨授翰林學士。賜夢花爲配。侯封女繁弱。亦賜婚時雍。俱以明珠爲聘。接時峻殷氏入京。花燭之夜。夢花繁弱各出明珠。卽濱湖所獲。始信天緣。非偶然也。夢花繁弱各產五子。時峻殷氏百歲齊眉。壽誕日。值第九第十兩孫彌月。朝廷賜百壽冠服。進封壽寧公。殷氏封齊國夫人。以表尙德尙齒之意。時雍加武靖侯。時敏加文安伯。侯氏相氏封一品夫人。出仕各孫俱加一級。未仕者並送入翰林院充庶吉士讀書。九孫十孫各賜洗兒錢萬緡。闔門歡宴。又值瑞雪。共慶豐年之兆。按此乃劇中串合關目。始終以雪爲豐年之瑞也。忽仙樂鳴空。異香繞室。壽星王母。及上八洞羣仙。東方曼倩靈芝仙子俱降。各持物爲壽。漢鍾離長生丹一丸。曹國舅百壽圖一軸。呂純陽流霞酒一壺。張果老靈壽杖一枝。韓湘子安期棗百枚。何仙姑青精飯一盂。藍采和如船藕二枝。李鐵拐麟脯饌一盤。東方曼倩蟠桃四顆。靈芝仙子靈芝二樹。一門福祿壽俱全。備

人間盛事云。按劇本空中樓閣。非是實事。然明崇禎時有時敏。卽係常熟人。庚午舉人。甲戌進士官至兵科給事中。地與名姓皆合。此劇或卽以指敏。未可知也。女國數處。出梁四公記。相度河東吼貝戎。俱係詭託。

### 善慶緣

不知何人所撰。演竇儀竇儼事。因易云積善之家必有餘慶。而周興嗣千文。又云福緣善慶。故名善慶緣。其事俱有影響。然謬誤不合者甚多。蓋作者但聞竇十郎之說。而未諳宋史。及考范仲淹集也。其略云。洛州竇天光。官庭邑侯。中保大將軍。年八十致仕。夫人姚氏。生五子。長曰倫。翰林。次曰信。探花。三曰仁。榜眼。其四曰儀。五曰偃。俱中鄉舉。家道饒裕。性好行善。嘗濟人緩急。一日于園中觀梅。有太平州錢姓者。以販油虧本。丐于途中。天光贈以資斧。歸鄉。天賜天光藏金。卽以金糴米。大賑貧者。庠生趙星。舊逋官糧數十金。追比甚急。女瑚璉。不忍父受辱。倩張媪鬻身。天光家爲婢。父母哭于途。儀糴米歸。于路見之。詢其故。遂

贈生八十金。令攜女歸。以半完官。以半自給。復有貧民許有才鬻子于天光。贈之銀而不留其子。有才忽遽失銀于地。儀拾得。憇道旁。俟其至而還之。一門積德皆類此。儀偃詣長安會試。父夢神人贈丹桂三枝。自念僅二子與試。未詳三桂之意。然知爲吉兆無疑也。儀偃過宜山界。渴欲飲池中水。有一人止之云。此水有蛇毒。食之殺人。詢其姓名。卽向日失銀人也。偃分路探母舅。而儀抵太平州投宿。其店主卽天光。昔日贈貲者。留儀居停。殷勤款待。天遣金精化爲婦人。給言鄰女夜扣儀門。儀閉戶不納。女詐稱投水自盡。儀不得已開門。女百方誘之。儀不爲動。至拔劍逐之。女化金光入地。掘視之。乃金一錠也。儀謂取之非義。乃仍埋地中。及就試。偃中狀元。而儀得榜眼。趙星亦中探花。偃以弟不敢先兄。具疏力讓。詔以榜定不可改。而兄弟友愛可嘉。亦賜儀狀元。初趙女鬻身救父。孝感上帝。太白金星授以天書寶劍。且予神力。夢中囑付云。西番有變。當效力勤王。醒而得劍與書。遂白其父。及是西番果叛。星薦其女能破敵。詔授瑚璉貞。

淑護國大將軍。往勦。偃謂女子將兵。薦紳無色。遂請將兵五千以援秦州。與統制李子通被困。乃潰圍乞女救。至則解其圍。偃始大服。敗番凱旋。值唐太宗萬壽之辰。卽賜女爲武狀元。與偃諧伉儷。殿上結姻。三桂之兆始驗。天光壽百歲。子孫盡榮顯云。按寶禹鈞。范陽人。五子皆貴。馮洎贈之以詩。所謂燕山寶十郎。教子以義方。靈椿一株老。仙桂五枝芳也。范陽當云涿州。今寶店卽其故址。劇誤涿爲洛。又稱天光不稱禹鈞。亦誤。禹鈞諫議大夫。劇中官名杜撰。亦誤。禹鈞五子曰儀儼。侃僂僖。劇有倫信仁。而無侃僂僖。亦誤。儀長子。儼次子。劇云第四第五子。亦誤。儼稱曰偃。亦誤。禹鈞五代時人。儀儼皆宋官。劇稱唐太宗時人。亦誤。禹鈞有僕。盜用房廊錢二百千。寫券係女臂云。永賣此女與本宅。償所負錢。自是遠逃。禹鈞卽時焚券。留女付妻養育。及笄。以二百千擇良匹。得所歸。僕歸訴前罪。禹鈞不問。父子禹鈞像。日夕供養。劇中毀券釋趙女。暗仿其事。移在儀名下。禹鈞元夕往延慶寺燒香。拾銀二百兩。金三十兩。持歸。明日詣寺守

候失物主。一人涕泣至。問其所因。曰父犯大辟。貸得金銀。將贖父罪。昨暮一相  
知置酒。酒昏忽失去。今父罪不能贖矣。禹鈞驗其實。遂與同歸。以舊物還之。加  
以惻憫。復有贈賂。劇中劉有才失銀事。本此亦移在儀名下。夢贈丹桂三枝。卽  
因丹桂五枝芳而約略點綴者也。卻奔埋金。借他人事飾之。亦想當然耳。宋天  
聖二年。宋祁擢第一。兄郊第十。章聖謂弟不可先兄。改郊第一。明永樂二年。周  
孟簡擢第二。兄述第三。成祖謂弟不可先兄。改述第二。孟簡第三。劇中並賜狀  
元。借此二事而小變其說者也。

#### 四全慶

一名三鼎爵。未知作者何人。所演漢霍仲孺事。與史傳全不合。蓋俗語云。妻財  
子祿。前生定。謂妻之財。子之祿。皆前生所定也。作者誤分爲四項。以爲妻財子  
祿俱全。謂之四全慶。又不悉故事。妄相牽引。其曰三鼎爵者。以仲孺父子三人  
皆受顯爵也。略云。霍登遺。字仲孺。平陽人。居東城坊。讀書好飲。天性豪放。初



春雪霽登三仙閣。值僧設讌。款鄧通登。遺踞坐飲。噉通與之詬。登遺云。吾當盡得妻財子祿。視爾富貴蔑如也。相士瞿岳者。傳達摩異術。其妻劉氏。平陽公主園吏衛忠次女之乳娘也。岳相法通神。而性最戇直。適至三仙閣。相二人云。登遺富貴。不求自得。通行早運。後當餓殍。通怒。令家人毆岳。獵者東方豹挺身救之。通僕不能敵。乃去。岳觀豹相云。豹當作十年草寇。其結果在登遺手。三人遂相訂交。通以相者言。必欲妻財子祿。兼全使其術不驗。聞薄昭女夢雲。衛忠女少兒。皆擅才貌。並欲娶爲妻。蜀道有銅山。請得鑄錢。主簿逢仁。參軍史美。撫爲己子。且冒邊功。得萬戶侯。食千鍾祿。則四事全矣。慮昭不允。姻遂僞作昭家書。持庚帖。選日。俾贅東城坊。崔鄧通爲壻。通本姓崔也。薄夫人陸氏無子。以內姪爲子。性愚魯。悞讀崔鄧通爲霍鄧遺。遂以夢雲贅之。通恚登遺。誤贅以告薄昭。昭怒。遣人召登遺詢問。至絳州草庵。通密令人害登遺。瞿岳適至。察登遺氣色不佳。僞作薄氏之僕。言夢雲有恙。呼之速歸。指令遠遁。通僕追甚急。乃竄入平

陽公主府中。通僕不能入。歸誑通云。已殺登遺。乃止。衛少兒者。其父忠。生二女。一子。長女子夫。已入宮中。子曰青。爲羽林侍衛。次女少兒。未嫁。少兒晝寢。夢一書生折花相贈。夢神示以詩云。雨下佳人合。登臨遺舊歡。行將韋幼息。好結夢中緣。乳媪劉氏驚醒之。占其夢云。雨下佳。霍字也。登臨遺舊歡。非登臨卽登遺也。行將韋幼息。行與韋合。衛字也。幼息。少兒也。夢中之語。當有姓霍者與少兒有緣也。登遺竄園中。倦臥廊下。爲少兒所見。劉媪蹴之醒。問其姓名。與夢合。媪遂主婚。使少兒贅登遺。時鄧通求得詔旨。使娶少兒。其兄青未知。少兒嫁霍。歸與妹言之。少兒大驚。會生一子。卽挈投乳媪家。東方豹之救瞿岳也。鄧通遷怒。使人捕之。豹殺捕者。遂入太行山。爲盜魁。大擾州郡。少兒遭亂。以子付乳媪。易男裝。隨登遺。他徙。遇賊衝散。登遺被擒。見寨主。卽豹也。遂留寨中。而少兒隻身無依。乃至京師。訪登遺。初登遺之遁。不及與夢雲別。夢雲已懷孕。未幾生一子。其父昭接女入京。令棄其子。夢雲乃刺霍登遺所生子。六字於兒股。而棄之。途

中瞿岳抱歸。知爲故人子。育之於家。見其妻抱少兒子。亦登遺所生。乃並撫之。兄名霍光。弟名霍去病。光讀書甚聰慧。去病多膂力。擅武藝。少兒在京。度登遺或入考場。遂更姓名曰韋幼息。亦進場赴考。擢得大魁。薄昭強贅爲壻。使夢雲配之。少兒爲夢雲述己之行藏。夢雲戒令勿洩。結爲姊妹。共留意以訪登遺。景帝嘗微行。遇霍光於鄉塾。與談經書。大異之。復進香堯廟。過太行。爲東方豹所犯。霍去病突出。擊退豹兵。問其姓名。知卽光弟。默記二人名。而捕太行賊甚急。登遺力勸豹納款。豹不肯降。卽自刎。以爲登遺功。登遺散遣其衆。函豹首以獻。詔封萬戶侯。景帝以鄧通吮癰。故銜之。籍沒通家產。以賜登遺。且令捕通。通入古廟。僵臥廊下。登遺緝至廟中。見通已斃。瞿岳相見。謂相法皆驗。邀歸。令二子出認其父。少兒又奉詔召岳。并召二子。抵岳家。忽見登遺。驚駭。易妝出認。相與具疏奏明其事。二子後皆大顯。按漢書霍光傳。霍光字子孟。票騎將軍。去病弟也。父中孺。河東平陽人。以縣吏給事平陽侯家。與侍者衛少兒私通。而生去

病。按中孺並無他名。劇造出登遺之名。仲孺本給事平陽侯家。劇謂贅薄昭之女。又逃入主家。甚謬。薄昭文帝之母舅。平陽公主武帝之姊。公主出嫁平陽

侯。仲孺乃在侯家給事。與薄昭相去甚遠。安得為其婿。謬甚。鄧通文帝時幸臣。景帝初年餓死。安得與仲孺爭婚。中孺吏畢歸家。娶婦

生光。因絕不相聞。久之。少兒女弟子夫得幸於武帝。立為皇后。去病以皇后姊

子貴幸。既壯大。乃自知父為霍中孺。未及求問。會為票騎將軍。擊匈奴。道出河

東。河東太守郊迎。負弩矢先驅。至平陽傳舍。遣吏迎霍中孺。中孺趨入拜謁。將

軍迎拜。因跪曰。去病不早自知為大人遺體也。中孺扶服叩頭曰。老臣得託命

將軍。此天力也。去病大為中孺買田宅奴婢而去。還復過焉。乃將光西至長安。

時年十餘歲。任光為郎。去病為票騎將軍。光止十餘萬。劇言光為去病兄。大謬。仲孺吏畢歸家娶婦。乃民間女子也。史未言其姓。

又按史記衛將軍傳。大將軍青者平陽人也。其父鄭季為吏給事平陽侯家。與

侯妾衛媼通。生青。青同母兄衛長子。而姊衛子夫。自平陽主家得幸天子。故冒

姓為衛氏。字仲卿。長子更字長君。長君母號為衛媼。媼長女衛孺。次女少兒。次

女即子夫。按史。少兒子夫。皆衛青之姊。劇言青姊子夫。妹少兒。誤。少兒乃子夫姊。劇言是妹。亦誤。衛媼。史記言平陽侯妾。平陽侯妾則不宜稱衛。故

註云侯妾衛媼則似無夫漢書云與主家僮衛媼通小顏云衛者舉其夫家姓也於義爲優劇中衛忠之名亦係造出

又按史記佞幸

傳鄧通蜀郡南安人也以濯船爲黃頭郎文帝幸之賞賜通巨萬以十數官至

上大夫上使善相者相通曰當貧餓死文帝曰能富通者我也何謂貧乎賜通

蜀嚴道銅山得自鑄錢鄧氏錢布天下景帝時有告通盜出徼外鑄錢下吏驗

問盡沒入鄧通家尙負責數巨萬一簪不得著身寄死人家劇言通事本此相者本無姓名劇造

出瞿岳通姓鄧劇云崔鄧通可怪東方豹亦無其人

## 兩榮歸

係近時人作演劉天生激弟天成登第事兄弟俱擢大魁同日晝錦故名兩榮

歸其事無所据略云江西金谿縣庠生劉天生字子俊其弟天成字子英後

母余氏所出也天生娶張氏天成幼未聘弟兄於祖塋別墅讀書天生遵父遺

訓嚴課其弟母舅余見波拉天成觀劇冒雨得恙天生諫母勿使弟曠逸見波

在座有愧色嗾姊拒天生言復勸爲天成援例南畿而伴之入監厚索資斧以

行。蓋欲漁其利也。天生謂金陵繁華花柳之場。弟年少恐蕩心志。母謂生妬忌。天生遂不敢言。向父瑩前泣訴。遇錢塘人石攻玉字他山者。詢其故。天生告以先人遺命教弟。今母誤聽舅言。納監金陵。必廢業放蕩。失足無籍。予負不孝不悌罪。是以泣訴先人耳。石慨然云。弟若落魄。予當拯之。生問何策。石言。予早失偶。有女七歲被拐。遍覓數載。茫無踪跡。故託風鑑遊都會。今欲至金陵。潛窺若弟舉止。當爲指點迷途也。生告石云。弟少不省人事。待其稍嘗苦味。始能發憤成名耳。天成果與徽州劣生江有才。嬉游放逸。妓平採蓮。卽石所失女也。雖入烟花。憶父姓名。念名門女。不與客接。假母無計。給令自擇配。利相見者輸金也。慕蓮才貌者。日至無可意者。江邀天成往。蓮喜成俊雅。獨留茶飲。意甚款洽。欲以終身許之。攻玉至金陵。詣天成談相。言當富貴。若戀花酒。必致落魄。天成恚而遣之。與見波謀。欲聘採蓮。波允爲納采。費三百金。始得與蓮居。揮金悅鴛。無所惜。見波又令黠友誘令賭博。輸則共分之。資斧漸乏。乃遣童筆蛟歸家。向母

索金。母詢童云。若主何所費。所攜貲頓盡。何也。童以實告。母悔不勝。適天生中鄉榜歸。母言其事。天生慰母勿憂。如從兒謀。當使弟成功名。母問何策。天生勸母勿與盤費。童亦勿復往。隨兒詣京會試。弟有緩急。兒當使人照拂耳。母從其言。天成日翹首以望。而家書杳然。愧憤成疾。蓮殷勤奉湯藥。其母卽欲遂成。江有才覲知之。予搗金謀娶蓮爲妾。給天成就醫。棄於途。報蓮云。天成已斃。肩輿往殮。遂挾以登舟。發金陵往湖廣。天成疾不能行。遇博友詢探蓮所向。云嫁商人遠遁矣。窮途悲泣。計無所出。攻玉忽至。謂曰。昔日言驗否。天成慚謝之。攻玉扶歸寓中。詢所愛妓姓氏。生具言本末。攻玉大駭云。此吾女也。相失數載。孰知落風塵中。辱君憐愛。今雖遠遁。當踪跡之。二人遂稱翁壻。時得會試錄。天生已擢大魁。攻玉俟天成疾瘳。偕詣京師。俾謁其兄。有才載探蓮入楚。舟中欲與成婚。拒不從。屢欲自經。抵洞庭湖。遇水寇與撩合。劫蓮見洞主。殺搗與有才。撩酋欲汗蓮其妻。不容。留以作伴。遂得全節。天生授翰林。詔問剿蠻策。奏答稱旨。命

撫湖廣。將行。值天成往見。故慢不理。天成愧無地。兄復逐使去。成憤歸。以告攻玉。天生密授玉資斧藥餌。令調養天成。復以奇書秘本。令勸勤讀。爲改入北監。囑攻玉使毋言己所贈。成名之後方可洩也。至楚招撫。療感其德化。悉皆納款。其所劫子女。按籍釋歸。採蓮具言父名。且云已嫁劉天成。天生知爲攻玉女也。告以天成卽其弟。復命帶歸金谿。先入謁母。天成連捷亦中狀元。乞假省親。感攻玉恩。與同舟歸。母不勝喜。令謁天生。天成泣訴其母。兄無手足情。身被恥辱。賴攻玉提挈。始得有此。母亦信其言。甚啣天生。而邀攻玉叩謝。攻玉一一剖明。始悟皆天生暗助。得以成名。流涕謝罪。天生給云。我已爲弟聘婦矣。天成守採蓮約。堅不肯從。攻玉亦勸毋念己女。天生知弟守義。令採蓮出認。攻玉見之。父女相抱悲慟。天生乃告其母。擇吉復結花燭云。

### 三虎賺

不知何人作。演趙岐觸勢被殺。三俠士扮虎救之。妻子離而復合。報仇完聚。故



劇名三虎賺。借正史姓名點綴。其事無所據。略云。趙岐字邠卿。京兆長陵人。

妻馬氏。外戚馬融兄女。一子名璧。尚在齠齡。顧乳母周氏撫育。岐官東京監察。

御史。是時漢靈帝寵用閹宦。唐衡專政。由司禮監新進侯爵。各官往賀。岐不屑。

屈節媚之。馬氏勸其明哲保身。岐先詣妻叔馬融處飲。醉後詣唐衡。以詩譏刺。

其假冒邊功。夤緣侯爵。衡大怒。命吏部謫岐。太原府清源縣典史。衡兄唐珣。官。

虎牙都尉。致仕在家。限邑中獵戶獻貂皮虎皮狐皮鹿角。需索無厭。眾苦之。告。

于趙岐。岐差役拏唐珣。被責。岐親至珣宅。珣因本府刺史曹孟德。大父亦內監。

與唐衡係世戚。密囑害岐。遂特疏參之。除冠帶監禁。眾獵戶劫出岐。并攢毆唐。

珣殞命。俠士孫嵩。字賓石。將妻劉氏。周歲女淑兒。託往北海村避難。自往救岐。

適守備追兵至。嵩擊死守備。而岐已逸去。妻馬氏聞信。將子璧。託乳母周氏。往。

其弟周義處。斂跡。己身被逮。至太原。刺史曹孟德。卽僉解詣京。途經南嶺山。被。

黃巾賊張角劫入營。威逼不從。乳母弟周義善醫馬。周氏因遇解役。述馬氏被。

擄命其弟投張角。私入後營救馬氏歸家。與乳母相依。趙岐自首投到。曹孟德卽奏聞。將處決。俠士孫嵩偕勇士勝天王活羅刹賽金剛等扮三虎劫之。避難于北海。改姓孫。字臺卿。孫嵩亦棄獵戶業爲商賈。積資累萬。訛傳趙岐已被虎啖。馬氏悲慟欲絕。岐子璧年長十四。有勇力。適黃巾賊至。璧擊死張角。餘賊三千。願推爲主。璧命換白旗素甲。旗上書孝子大將軍趙。盡誅閹宦。與父報仇。母大怒。責其爲寇墮家聲。欲斬之。衆賊哀求方已。命書大漢孝子大將軍趙。請誅閹宦。與父報仇。易赤幟。時曹操爲唐衡所薦。授驍騎將軍征剿趙璧。被圍山谷之內。孫嵩經商過此。奮勇救出。與璧大戰。亦被擒。而岐及嵩女淑兒俱被擄。曹操懼甚。周義因善醫馬。在其帳下。勸操請旨誅唐衡。趙璧卽投誠矣。操卽遣義至璧營說之。璧知係救母恩人。具表付周義。詳奏唐衡惡款。靈帝大悟。命曹操籍唐衡家產。是時趙璧營中。趙岐馬氏孫嵩女淑兒及乳母周氏俱相聚大喜。璧入朝待罪。奉旨斬唐衡。嘉趙岐之忠。趙璧之孝。馬氏之節。孫嵩周義周氏之

義岐封光祿大夫同知中書省馬氏封吳郡夫人趙璧封龍衛將軍孫嵩封虎衛將軍周義爲太醫院大使周氏賜黃金五十兩着有司歲給膳米百石周義爲媒孫嵩女淑兒配趙璧完婚趙岐與孫嵩親情友誼迴超流俗云後漢書

趙岐傳云岐字邠卿京兆長陵人也初名嘉生于御史臺因字臺卿注云以其子爲御史

故生於臺也今劇中云岐避難孫嵩處改姓孫改字臺卿非是後避難故自改名字永不忘本土也按此則避

字邠岐少明經有才藝娶扶風馬融兒女融外戚豪家岐常鄙之不與融相見

劇言妻叔馬融相合三輔決錄注則言岐娶馬敦女宗姜爲妻敦兄子融嘗至其家多從賓與從妹宴飲作樂日夕乃出岐不以妹婿之故屈志於融也是言

岐爲融妹婿永興二年辟司空掾其後爲大將軍梁冀所辟舉爲皮氏長中常

侍左憎兄勝爲河東太守岐恥疾宦官卽日西歸京兆尹延篤復以爲功曹先

是中常侍唐衡兄玆爲京兆虎牙都尉岐數貶議玆深毒恨延熹元年玆爲京

兆尹岐懼禍乃與從子戩逃避之玆果收岐家室宗親陷以重法盡殺之岐遂

避難四方江淮海岱靡所不歷自匿姓名賣餅北海市中時安丘孫嵩年二十

餘游市見岐。察非常人。停車呼與共載。岐懼失色。嵩乃下帷。令騎屏行人。密問岐曰。視子非賣餅者。又相問而色動。不有重怨。卽亡命乎。我北海孫賓石闔門百口。勢能相濟。岐素聞嵩名。卽以實告之。遂以俱歸。嵩先入白母曰。出行乃得死友。迎入上堂。饗之極歡。藏岐複壁中數年。後諸唐死滅。因赦乃出。三府聞之。同時並辟。乃應司徒胡廣之命。擢并州刺史。年九十餘卒。官太常。按岐傳如此。劇本以緣飾成之。傳中無子璧及與孫嵩作姻事。想當然耳。司禮監封侯及假冒邊功。蚤緣侯爵等語。似指天啓時魏良卿事。當暗有所託也。

### 鳳和鳴

不知誰作。事實卽本梁辰魚鳴鳳記。以其記下本增飾鄒應龍林潤郭希顏事。謂能繼跡夏楊。故曰鳳和鳴也。略云。陝西長安鄒應龍。與福建莆田林潤。曾共受業于江西郭希顏。鄒林遂結爲異姓兄弟。其妻亦稱妯娌。同居臨安。時希顏已爲翰林。鄒林成進士。謁選。以不關通嚴世蕃。遂使應龍巡邊。潤安緝滇南。因兩地軍情叵測。倘至激變。必當受害也。禮部主事董傳策。與工科給事吳時。

來兵部郎中張翀連名劾嵩父子。嵩誣以毀謗大臣。詔皆杖八十遣戍。錦衣衛指揮朱希孝憫之。令校衛用出頭杖以存其命。時鄢懋卿爲都巡鹽。趙文華官兵部尙書。皆嵩牙爪。趨承恐後。懋卿惡文華每事居其先。潛詣西山求赤肚子長生丹進嵩。文華亦詣其所求藥。二人諂諛皆類此。江西解元易弘器有田近嵩北莊。逼令獻納。弘器崛強拂世蕃意。值會試入京。世蕃與鄢趙謀邀飲。醉以巨觥酣臥書室。以醜婢充家人妻。斷其首。欲并殺弘器。因誣以奸。世蕃表姑陸氏聞其謀。竊匙鑰釋弘器。慮禍及身。自投于井。郭希顏令弘器逃往邊塞。俾謁應龍。遂具疏劾嵩父子。世蕃遏其本不奏。希顏知之。掛冠歸江西。過臨安。以信慰鄒林家屬。值緹騎追逮希顏。繫江西獄。嵩誣以逃職毀謗。勒斃獄中。應龍以恩信賞邊軍。士皆感德。復命歸。遇張翀易弘器。言皆受嵩誣陷。應龍乃剴切奏嵩奸惡。詔奪嵩職歸田里。世蕃戍南雄。應龍陞通政。被害者盡赦歸。林潤按滇復命。卽授江西巡按。訪世蕃不赴戍所。居家益橫。令受害者皆具控。卽據實

奏聞。詔誅世蕃。發嵩入養濟院。沒其家產。追贈夏曾楊郭。卽以嵩宅建祠祀之。鄒林皆陞都御史。其妻並授封誥云。按此劇事實。大段詳鳳鳴記。其易弘器一段。又互見鳴鳳飛丸二記中。史傳無鄒應龍林潤受業郭希顏之說。三人異地。本不相涉也。巡邊及安緝滇南。皆御史之職。若云初謁選。豈能遽受此任。且不得云世蕃所排也。二人劾嵩。亦未聞有宿怨。自以公論耳。郭希顏因疏中有建帝語。因此被戮。其時世宗以諭羣臣。嚴嵩以同鄉故。尙爲委曲。非以劾嵩誅也。希顏方宴客。使者卽家誅之。亦非斃于獄也。應龍陞通參。卅宗諭徐階。猶指爲邪物。非通政使也。夏楊等追贈。在隆慶初。非世宗時也。其餘大略與史相合。

### 財星現

近時人作。不知誰筆。所演秦子西事。謂子西乃天上財星。閱歷艱苦之餘。不意中獲資百萬也。情蹟鑿空。無所原本。其名曰秦金。明嘉靖中有此人。官至南京吏部尙書。不過姓名偶同。非謂卽其人也。惟田爾耕是真姓名。而官階履歷不

符亦不過影借云耳。略云秦金字子西。祖籍關中。僑居白下。拋書業。賈囊空。

乏資。時有巨富楊叟。名立字伯信。別號覺庵道人。風鑑通神。素性偏執。人所輕。

賤者必愛敬之。人所尊奉者必棄絕之。衆因指目爲偏員外。又目曰偏不信。金。

陵桃葉渡有吳蘭者。素善經商。向叟貸五百金。往江西販米。子西亦向叟貸五。

百金爲貲。叟細察其面貌。又爲起數。謂必大富。遂立付之。且導往江西商販。時。

有邢子璣。亦金陵人。家道小裕。同時向伯信貸銀。貌與子西酷似。叟見其氣色。

昏滯。堅不肯借。子璣不忿。棄產得金二千。欲買川廣藥材。抵南昌界。大盜赫連。

霸劫其金去。子璣無所歸。遂從霸入山。在寨書寫揚州別駕田爾耕。解餉雁門。

關。道經香草鎮。按揚州赴雁門安得入南昌界劇誤餉銀爲霸所劫。子璣請殺。

爾耕。霸不從而止。爾耕詢得子璣姓字。恨之入骨。竟以失餉擬辟。起解進京。惟。

得千金。餽東廠魏忠賢。禍可立解。其妻馮氏。生女玉娟。美而且孝。插標賣身。願。

得千金以贖父罪。子西之往江西也。途間與吳蘭遇。以蘭年長。事之如兄。同赴。

江西寓于南昌城外糧食牙行甄老實家。初蘭出外時，使妻張氏料理行囊。張父贈錢二貫，包裹篋中，而金未挈去。蘭行，妻始知誤，以爲必返。蘭竟去，不顧。且不知金之在家也。蘭與子西同寓于甄。子西先行糴米，蘭檢其囊，僅錢二貫，心甚驚駭。店主輩皆謂必同行人所竊。急追子西，還子西云：「若果失銀物色錠件相對，卽認是吳物。」蘭開數目，衆檢子西之囊，一一符合。衆遂以銀付蘭，而欲執子西拐銀之罪。蘭頗忠厚，勸止衆人。子西遂素手而歸。見叟羞慙滿面，而叟相子西必富，復以千金貸之。子西攜金以行，適遇玉娟賣身不得售，玉投井自盡。子西沮止問故，玉娟具告其實。子西憐其孝女，願以所攜付之。田氏之僕至，乃攜金同往，付其母馮夫人。爾耕用以結交于忠賢，不惟免罪，且擢青徐道副使。馮氏以全家並子西所救，留贅于家，許以同抵任所。還叟本銀，及爾耕相見，其貌似邢子璣。問姓氏籍貫，則云金陵秦子西也。爾耕誤聽，以爲卽子璣。是從前劫銀者立命擒之，欲斃于杖下，垂絕而巡按至，爾耕出接。老僕以己衣衣子西。



縱令遁去。撞死堦前。以絕其迹。爾耕歸。知子西走。告其女云。已死。欲令改嫁。玉娟不從。既而生子三歲。爾耕必欲嫁女。將棄其外孫。玉娟乃以金陵秦子西子六字。刺兒背上。送養于育嬰堂。會楊叟廣行善事。給育嬰堂乳母一年工食。見兒喜之。收以爲子。遂改姓名曰楊秦。初子西垂斃而走。逃至江濱。復遇叟。叟方以通洋利重。買得藥材絲絹等物。計直萬金。欲附海舶往日本貨賣。而未得其人。見子西則大喜。悉以付之。海舶將開。子西用姓名圖記以識。遂與叟別。赫連霸聞有貨舶出洋。入海劫之。盡投舟中人于海。子西幸附一板。漂至普陀山岸。樵夫引至大士行宮。曰大悲禪院。其僧普濟。收作香火。取名曰來道人。時日本方患瘟疫。遍染國中。會奪赫連霸之舟。盡得藥材。療治立愈。國主亦因此獲瘳。檢得秦子西圖記。知是其物。估價值二十萬。封貯庫中。俟覓得子西以還之。赫連霸之入海也。邢子璣乘間席捲金珠而去。易名納監。媒聘爾耕之女。選吉入贅。玉娟聞之。盡剪髮。爾耕使妻伴女而已。出慰堦。見其貌。以爲子西已死而

魂出索命也。大怖而走。子璣又見爾耕，卽失餉之官，懼其縛已，奔竄而去。玉娟遂擇園中空屋爲靜室以居。書亡夫秦子西牌位，日供奉焉。久之，楊秦入都應試，道過山左，抵靜室中，見所書牌，與己背上之字相合，細問始知是生身之母。哭認而去，登科入詞林。還家告于叟，方欲遣使迎母，會奉命封王日本。叟告以生父未亡，飄洋海外，比至日本訪之，國主言舟人盡沒于海，久訪無跡，度不復存，因以所貯庫銀，令盡挈歸，又贈珍寶無算。舟還泊普陀，入寺禮佛，獲與父見，迎歸金陵。而吳蘭居外久，獲利至二十萬，歸家見妻，始知從前之誤，欲訪子西，以金盡還之。子璣流落娼家爲僕，蘭見而呼之，與言其故。子璣遂冒認子西，偕蘭抵楊宅，時子西父子同歸，爾耕亦以璫敗貶官，自悔殺婿，聞外孫已貴，婿亦未死，挈家至金陵，求楊叟爲之解說，而蘭與子璣同至。子西子璣皆自以爲子西，面貌相同，一時莫辨。叟記子西泛海時，其物有秦子西圖記，語兩人云：有此記者是真，否則假。子西出圖記於袖中，叟乃記從前有貌相肖者，卽子璣也。

送官究治而官卽爾耕。被貶爲應天府經歷子璣知事。敗撞階下死。吳蘭遂以女嫁楊秦。楊秦具疏復姓名曰秦。楊擢陞學士。其父秦金欽天監。秦財星降世。正與相應。授爲常盈庫大使。楊伯信吳蘭並授七品冠帶。田爾耕以原官致仕。伯信蘭及爾耕皆無子。三家所蓄盡歸於秦。按田爾耕兵部尙書田樂之孫。以軍功襲錦衣。遷至指揮。附璫獲罪。非文職也。劇中借用其姓名。非實事。

### 求如願

近時人作劇以歐陽名三代清白虔誦法華經。青湖龍王女如願亦誦法華經。感呂純陽真人指示結姻。廣行善事。飛昇仙去。故曰求如願也。事皆有所影借。但非歐陽脩孫耳。略云歐陽名字紹充廬陵人。歐陽修之孫。妻胥氏累世清廉積德。值青苗法爲害。貧愈甚。惟祖遺玉麈尾。古端硯。黃庭堅詩扇。李廷珪墨。定武蘭亭法帖。蘇軾文集。寶愛不忍釋。夫妻同誦大乘妙法蓮華經。於人日備香楮。祈錢神送窮。典賣田園。學爲貨殖。舟行過彭蠡湖。風浪驟起。投以玉麈尾。

古端硯。未息。復投黃庭堅書扇。并自書法華經。風浪忽止。行至湖廣。遇呂洞賓。知名。本金童。龍王女如願。本玉女。偶謫塵凡。數當配合。因語之曰。龍王獲汝。經扇欲酬汝德。凡珍珠寶玩。決不可受。惟說求如願三字足矣。龍王果遣青衣童子。邀至宮中。設宴款之。贈一丈珊瑚樹。明月珠二顆。通天犀。俱不受。但曰。求如願。龍王大驚。詢之名。以純陽之言對。卽命與如願諧伉儷於龍宮。三日後。水部送歸家。時蔡京深嫉元祐正人君子。親書黨人三百九十一人名。立碑於端禮門。禁行三蘇文集。名藏之石壁中。值江右亢旱。斗米千錢。名以數千金糴米煮粥。廣救飢民三百餘萬。是時徽宗寵信林靈素。正登壇作法。擒李師師。以其爲野狐精也。適童貫捧詔至壇。師師遂得逸去。封靈素通真達靈先生。於上清寶籙宮。上表章。冊徽宗爲教主。道君皇帝。上玉帝。徽號曰太上開元執符御歷含真體道昊天玉皇上帝。未幾大金南侵。復命靈素具奏玉帝。以劫運之故。不能上達。蘇軾爲天上奎宿。代之轉奏。玉旨云。天數已定。不必再奏。靈素伏陰回。不敢

洩漏天機。但奏蘇軾是天上奎星。豈可稱爲黨人。卽于半夜毀黨人碑。召購蘇軾文集。而歐陽名所藏軾文集已十年。生一子。取名曰攀狗。亦已十齡。因以蘇軾文集上獻。卽拜翰林學士。命草詔罪己。更革弊端。俾人心悅。天意回。則備禦之事。將帥可以任之。李綱復奏。當整飭軍馬。固結民心。相與堅守。以待勤王之師。蔡京請遷移襄鄧。李綱復奏。六軍父子妻孥。皆在都城。萬一中道散歸。誰爲護衛。敵兵逼近。知乘輿未遠。以健馬來追。何以禦之。蔡京之言。切不可聽。因命李綱兼親征。行營使种師道爲大將軍。歐陽名爲參謀。大金粘沒喝以六萬師。據牟駝崗。勤王之師集城下者。已二十餘萬。遂出封丘門大戰。粘沒喝退去。李綱种師道歐陽名各加二級。玉帝以歐陽名正直無私。虔誦妙法蓮華經。救濟飢民三百餘萬。陰功浩大。勅呂洞賓及諸仙官天將。以幢旛寶蓋接之。妻胥氏。龍女如願。俱白晝飛昇。先列仙班。後歸佛刹。以彰爲善之報云。按搜神記。歐明經彭澤湖。有數吏來候明。云是青洪君使。要明甚怖。吏曰。青洪君必有重遺。

君者。君勿取。獨求如願耳。明既見青洪君。求如願。如願者。青洪君婢也。明將歸。所願輒得。數年大富。搜神記。干寶所撰。事在晉前。劇以歐明爲永叔之孫。可哂。

宋稗類鈔。載宣和間。林靈素希世寵倖。數召入禁中。賜坐便殿。時露臺妓李師師者。出入宮禁。靈素見之。怒目攘袂。亟起取御鑪火箸。逐而擊之。內侍救護得免。靈素曰。若殺此人。其屍無狐尾者。臣甘罔上之誅。上笑而不從。又李廷珪爲江南李國主父子作墨。彭門寇鈞國家。其先世所藏李廷珪下至潘谷十三家墨。斷珪殘璧。粲然滿目。東坡先生臨郡取試之。爲書杜詩十三篇。各於篇下書墨工姓名。因第其品次云。又王榮老嘗官於觀州。欲渡觀江。七日風作。不得濟。父老曰。公篋中必蓄寶物。此江神極靈。當獻之得濟。榮老自顧無所有。唯一玉麈尾。卽以獻之。風如故。又以端硯獻之。風愈作。又以宣州包鼎畫虎障子獻之。皆不驗。夜臥念曰。猶有黃魯直草書扇頭。題韋應物詩。卽取視之。儻恍之際。曰。我猶不識。鬼寧識之乎。試持獻之。香火未收。天水相照。如兩鏡展對。南

風徐來。張帆一餉而濟。按范成大臘月村田樂府敘。余歸石湖。往來田家。得歲暮十事。採其語各賦一詩。以識土風。號村田樂府。其十曰打灰堆詞。除夜將曉。鷄且鳴。婢獲持杖擊糞壤。致詞以致利市。謂之打灰堆。此本彭蠡清洪君廟中如願故事。惟吳下至今不廢。詞曰。除夜將闌。曉星爛。糞掃堆頭。打如願。杖敲灰起。飛撲籬。不嫌灰澆新節衣。老媪當前再三祝。只要我家長富足。輕舟作商重船歸。大牓引犢鷄哺兒。野鹵可縑麥兩歧。短衲換着長衫衣。當年婢子挽不住。有耳猶能聞我語。但如我願不汝呼。一任汝歸彭蠡湖。

## 兩卷雲

不知何人所作。演錢月遇氤氳使者撮合璧雲珠雲。共諧伉儷。是以名兩卷雲。蓋取珠聯璧合之義也。其事無所本。略云。金陵諸生錢月。字朗生。父官浙江中丞。早歿。愛吳中山水。與母魏氏僑居蘇州。有李秀。字文長者。原籍襄陽。亦寓蘇州。父曾官兩廣提督。歿於任。秀蔭游擊。命未下。在蘇與月相友善。期游虎丘。

秀有事爽約。月獨閒步過酒肆。遇老叟乘醉與肆主爭酒價。月代償之。叟邀回寓。設異品佳餚款月。復奏霓裳羽衣。詢其姓名。云姓申屠。人皆稱申屠丈。感君高誼。待有緩急。當相拯也。遂別。叟蓋氤氳使。月本文星下降。與璧雲珠雲有夙緣。故奉元女命臨凡。濟月危困。令配二雲。璧雲者。姓宗氏。名家女也。幼失怙恃。族叔賣入烟花。善琴棋詞翰。名傾吳郡。欲嫁才子。不輕會客。黠僧寂如。拉秀月往訪。欲從中漁利。璧與月款洽。遂訂終身。宰相裴倫。字梅川。居金陵。其子元詣蘇謁。巡撫過錫山。遇虎。會秀較獵。救之。元致書與父。實授秀游擊。鎮守采石磯。初元慕璧美。欲娶爲妾。璧拒不從。元啣之。誣月通李闖。逮繫獄。秀白其冤釋之。母令出避金陵。元強璧爲妾。母利其財。誘璧乘輿入元寓。璧堅不從。幽於密室。申屠丈遣神誅佞兒。救投鎮江尼庵。以俟姑息相逢。重續舊盟。有兵科給事范瑩。字闇然者。與倫不合。奪職歸。乃月父執也。月往謁。瑩有女。以夫人蘇氏夢吞珠而孕。故名珠雲。瑩甚鍾愛。謹於擇壻。必欲明珠爲聘。月寓于范。適遇珠園中。



彼此留意。裴亦欲以女妻月。時倫乞假歸葬。于裴園飲。月亦在坐。見其才品。亦有女未字。使門客執柯。欲以字月。月拒之。倫度裴必以己女配月。故梗之。且欲聘其女爲媳。裴以聘必明珠爲辭。申屠丈乃攝倫家珠以聘范女。倫恚裴逆己意。誣其與流寇通。陷裴。逮赴京師。裴先令月歸。囑夫人攜女詣蘇州就親。月過丹陽。海慧庵僧寂如行劫。殺其僕。申屠丈遣神負月至采石。與秀敘始末。秀助資斧。令人京會試。珠母女詢月母錢夫人。夫人云。月未歸。母女驚異。夫人知珠與月締姻。因留同居。適珠詣寺進香。裴元遣僕爲盜。劫珠入舟中。珠急投水。寂如方爲水寇。拯起獻於頭目。秀引兵巡江討水寇。獲珠。知月所聘妻。奉以居別室。初裴被逮。鞫問無罪。詔釋出獄。卽命剿撫流寇。秀往協助。屢奏捷。會月成進士。劾倫父子奸惡。詔逮倫赴法司勘問。而授月監軍道。解糧助裴。及賊平。奏凱遣人接家眷入京。月母與范夫人路過尼庵。遇壁。知其爲月守志。攜載赴京。氤氳使者申屠丈。又運神通。令其母子夫婦舟皆泊江口。適裴元探父過揚子江。

覆舟波中。裝妻月母。既各會合。李秀載珠雲擒寂如。亦至月以寂如正法。裝與錢夫人擇吉。卽於舟次。令月與二雲諧花燭焉。按劇中有潛通李闖語。則所指乃明末事也。明末宰相無所謂裴倫者。劇云金陵人崇禎中。上元程國祥由戶部尙書入閣。疑其所影射。然國祥未聞有過失。或有惡之者。亦未可定。

# 曲海總目提要卷四十二

武進孟 森校訂

## 清平樂

不知何人所作。以書生時化從軍。遇高麗女。主得其所撰清平樂詞。遂成夫婦。後以勤王功受封。故名。劇中姓名事蹟。皆屬子虛。無可據也。略云。玉泉山清隱道人。脩煉得長生之術。知趙宋將有事。欲煉一鏡。以助兩俠靖妖氛。與其徒淨凡。在爐間談道。淨凡私自出山而去。時當宋季。常州人時化。字繼先。儒家子也。父善長。母穆氏。家貧親老。抱才未遇。將赴京應試。而苦無資。金陵人金濟者。任俠不羈。佯狂行乞。人皆呼爲金花子。與化遇于途。問狀。告以苦衷。濟許其以行資相助。遂結爲兄弟。濟之鄰居有李氏慧貞。司馬李勤之女。家世富。兩親俱亡。獨居未字。濟雖許化。而無從得銀。乃求見慧貞。以實告。慧貞素重其俠。出金

付濟使助化。化乃辭親與濟偕行。無賴田又三嗜賭負債。爲同夥所逼。路逢大賈。爲償所負。挈以同行。又竊賈銀。爲其僕所覺。將送官懲治。乞哀於道。化適見之。贈銀排解。與俱宿店。又三復竊化資而逸。投將軍天元和尚幕下。時化途窮。仗濟相扶到京。時高麗國女主賽昭君航海入寇金陵甚急。而朝所用事者曰平章柴朗。魏國公朱參。吏部尙書牛偉。左都御史羊健。皆庸鄙貪財。無遠略。聞寇警。漫無禦敵之策。天元和尚者。少林寺僧。以羊健薦。奏對稱旨。授爲將軍。帥兵勦寇。軍興乏餉。牛偉請令應試者捐貲。方許入場。化不得與試。值天元招軍。濟與化遂俱投軍効用。天元貪婪無忌。生殺自恣。借徵餉爲名。誅求郡縣。羽檄旁午。當是時。山東河北年荒饑饉。流離載道。淨凡適至。衆擁爲主。起兵攻天元。天元遣化取民間少年女子爲女兵。實欲取樂也。化不奉令。天元怒甚。提至將殺之。而所遣往提者。乃金濟。濟縱化走。已則潛至中軍。欲刺元。元覺被擒。會淨凡兵將至。元倉惶應敵。羈濟于後營。營中被擄民間女甚衆。李慧貞亦在焉。有

惡弁欲逼與爲婚。濟殺弁而釋慧貞。及衆女皆使逸去。弁卽田又三也。化南走投高麗軍。女主悅其才。留爲參軍。女主方欲擇配。心屬化而未言。作清平樂詞一闋云。天分南北。芳心一樣熱。關關鳩鳥河頭立。守盡等閒風月。千里赤繩繫早。一見夢魂顛倒。鸚鵡共效于飛。舉案齊眉同老。爲化所見。女主以爲天緣。遂與成夫婦。濟旣釋慧貞。恐其獨行受侮。送之歸。遇化父母。使同居一室。而脫身訪化于高麗軍。果得見。時淨凡破天元。遂引兵內逼。濟說化夫婦返正。勤王朝命以濟爲先鋒。與淨凡戰。淨凡能爲百里霧。而賽昭君有神劍寶瓶。能攝雲霧。遂破淨凡軍。淨凡又善幻。化作其夫化狀。賺去劍瓶。賽昭君困甚。而清隱道人以照妖鏡至。收其徒歸。化與賽昭君及濟。乃得戮力平亂。方淨凡之引軍內逼也。朝廷率六軍禦之。敗績。賴濟之救。宋帝微行至一村。叩門見二老一少女。則時化之親及李慧貞也。留帝信宿。濟引軍至。迎回宮中。事平。化封靖南侯。榮加三代。賽昭君爲長洲郡主。以慧貞爲公主。而卽以濟爲駙馬。欽賜完婚。遙授清

隱道人爲元宗教主云。按劇中稱趙宋時事。而其中姓名皆宋史所無。高麗國亦無女主嗣位者。其爲捏造無疑。仙釋傳中亦無所謂清隱道人及淨凡名。又按明嘉靖中。東南倭寇縱橫。都督萬表建議。欲練少林僧兵禦之。劇中少林兵本此。又按劇云。高麗國航海入寇金陵甚急。記明嘉靖中。倭寇十七人直犯應天。兵部尙書張時徹等聽其出入不能制。城內人甚喧擾。疑暗指此也。魏國公應是暗指徐中山之後襲爵者。柴朗朱參牛偉羊健俱非眞姓名。蓋影射豺猪牛羊以示譏也。

### 小江東

一名補天記。刊本云。小齋主人作。不著姓名。其自序云。見舊有單刀赴會一劇。首句辭曰。大江東。巨浪千疊。蓋言江水之大。今改爲小者。乃以當日孫權君臣。局量狹隘。志氣藐小也。又言孫氏踞江東數十年。皆魯肅善謀。視孫劉爲一家之力。議者不察。以爲各立門戶。惟荊州是圖。遂將臨江一會。演出關夫子披堅

執銳詭備百端。拳臂自雄。効鄙夫之排擊。故作此劇。以翻單刀會之案。其又名補天記者。言伏后以曹操之惡。訴于女媧氏。女媧使覩操受地獄之苦。以彰果報。女媧鍊石補天。故曰補天記也。其情節多係捏造。綱目。建安十九年十一月。魏公操弑皇后伏氏。目云。帝自都許以來。守位而已。左右侍御。莫非曹氏之人。議郎趙彥。嘗爲帝陳言時策。操惡而殺之。操後以事入見殿中。帝不任其懼。因曰。君若能相輔。則厚。不爾。幸垂恩相捨。操失色。俛仰求出。舊儀。三公引兵朝見。令虎賁執刀挾之。操出汗流浹背。自是不復朝請。董承女爲貴人。操誅承。求貴人殺之。帝以貴人有姪爲請。不得。伏后懼。與父完書。令密圖之。事泄。操使郗慮持節策收皇后璽綬。以尙書令華歆爲之副。勒兵入宮收后。后閉戶藏壁中。歆壞戶發壁。就牽后出。時帝在外殿。后被髮徒跣而泣。過訣曰。不能復相活耶。帝曰。我亦不知命在何時。顧謂慮曰。郗公。天下寧有是耶。遂將后下暴室。以幽死。兄弟及宗族死者百餘人。按劉備關羽張飛魯肅及甘寧呂蒙事蹟。互見

赤壁四郡諸記考略中不復多引。據云劉先主入蜀留軍師諸葛亮及前將軍關羽鎮守荊州先主入涪命龐統分路取雒城統軍失利中弩死先主退保涪使關平以書迎亮來援時曹操專恣獻帝伏后不能堪以密詔授宮監穆順命后父伏完結劉備討操華歆知之以告操操至宮門搜得詔殺順害后而收完族誅之伏后靈不散飛至天闕入一殿宇甚巍煥則補闕元君女媧氏所居也后訴其冤於女媧求爲報讐女媧慰留之而后欲使獻帝知其身後情狀女媧因遣侍女同后至江東託周倉身達之關羽使聞于先主而并囑其奮勇勤王先是亮得先主書以兵往援而留羽獨鎮荆襄吳人甘寧呂蒙欲謀害羽魯肅不從以書約會于臨江亭羽單舸往甘呂伏兵江上欲邀截肅陰令人輟兩人兵終不得害周倉督糧回聞之急渡江風起舟覆羽適宴罷回救而視之乃倉也方以其不奉命而擅渡欲斬之倉不省人事俄作女人聲音我伏后也以被曹操所害及在天庭事告羽囑與備亮同報讐羽謹受命倉醒而免其罪甘



寧呂蒙怨魯肅之脫羽也。借巡江名。欲相機圖羽。月夜與伏后陰靈相遇。以風簸其舟。至江北岸。爲周倉所擒。羽聞之。令釋去。寧蒙乃俱愧伏。魯肅以吳君臣皆欲附操而仇蜀。憤甚。嘔血死。伏后茹怨不已。女媧氏使侍女引后入意中天。開天隙。使視果報。初見操逆狀。已乃見其銅雀分香。及入地獄。吞鐵丸。受鞭朴狀。后乃大快。穆順魂無所歸。上帝憫其忠。封爲酆都神。女媧復令夢神攝獻帝先主。及諸葛亮。關羽。張飛。趙雲。周倉諸人。至與后見。囑以復讐。乃謂后曰。汝知前世之事乎。獻帝卽高祖。后卽呂后。操乃韓信也。後先主王蜀。關羽一敗曹仁。再擒于禁。水淹七軍。斬龐德。孫曹皆震恐。勅賜大旗一面。上書威鎮華夏四字。樹之軍中。羽乃設祭遙叩東京。奠伏后以報命云。按小說中。有言曹操劉備孫權。是韓信彭越黥布轉世者。總屬荒唐。劇後暗取其說。

### 瓦崗寨

不知何人作。演裴元慶與華氏締姻。以程咬金聚瓦崗寨。串合關日事。本野乘。

與正史不符。略云程鰈金。字知節。濟州東阿人。家貧。樵採爲生。有勇力。時當

隋末。與賈潤甫秦瓊尤俊達王伯當徐茂公齊國遠等二十六人結納。七月晦

日。地藏大士誕辰。鰈金閒遊。遇潼關總管裴天柱夫人華氏。及女蘭英。亦至地

藏庵。酬願。鰈金見蘭英美麗。忽前揖華氏。遽稱岳母。華氏大怒。遣僕呼子元慶

來。鰈金與鬪。仆於地。幸尤俊達勸釋。探知濟州起解錢糧。路由長葉林。乃同往

劫之。隨被歷城縣擒獲。將二人解至皇叔楊林軍前。林赴京慶賀。暫繫歷城獄

中。潤甫等設計救出。各散去。濟州刺史劉文靖于潤甫處。搜得三十六人冊籍。

啟知楊林。是時秦瓊在楊林麾下。爲十三太保。與上官儀交契。賀方嫉之。譖瓊

林召瓊。方復遣人詭作儀使。於中途阻瓊云。林將害之。須介冑往。瓊惑其說。果

甲而詣營。方并譖儀與瓊交私。儀被殺。瓊與方戰。斬之。以令箭賺出潼關。林追

不及。以罪裴天柱。將斬之。天柱子元慶來省親。願擒瓊以贖父罪。林乃許之。元

慶于鄧家堡與瓊大戰。瓊力竭被獲。徐茂公遣王伯當于榆柳村救回。因攻金

提關守將華公義年老。楊林命元慶協守。元慶卽公義之甥。與公義女中表聯姻已久。茂公知元慶勇敢萬人。不可力擒。因誘之離關。急攻破關。斬公義。秦瓊母收華氏爲義女。命瓊禮葬其父。遂占瓦崗寨。推程咬金爲混世魔王。裴元慶戰敗。往龍井關見父。而楊林差官齎公文至。責元慶封疆失守。并亡大將罪。及天柱氣噎身死。元慶逃至陝右萬雉巖。巖中有嗣漢天師十代孫赤松子。悟太上眞詮。乘千里夜光犀。兩腋有光。夜則如晝。又煉一降魔鐵杵。牧犀仙童。牽犀下山飲水。遇元慶。引見赤松子。傳以秘書。且授犀杵。楊林合四路節度使。勦瓦崗寨。徐茂公擺蚩尤布霧陣。以秦瓊守左營。齊國遠守右營。程咬金守中軍。林所部河東節度滕蛟。陝右節度潘陶。俱戰敗。林親攻中軍。爲霧所迷。大敗。元慶乘犀持杵。救林以免。蛟金被杵擊。昏暈三晝夜。方甦。茂公復擺五虎陣。元慶大破之。時其母及妹蘭英。避兵來訪元慶。經過查樹邨。茂公劫留營中。命軍士僞作龍井關卒。賺元慶。母親筆書。誘元慶劫營擒之。其母勸之降。因以華女配元

慶。裴女配齧金。按隋書列傳。惟楊子崇爲高祖族弟。無所謂皇叔楊林也。演

義鼓詞小說。又稱楊齡。皆無據。唐書秦瓊。字叔寶。始爲隋將來護兒帳內。俄

隨通守張須陀擊賊。大破之。又與孫宣雅戰海曲。先登。以前後功。擢建節尉。從

須陀擊李密滎陽。須陀死。率殘兵附裴仁基。仁基降密。密得叔寶大喜。以爲帳

內驃騎。後歸王世充。署龍驤大將軍。與程齧金計曰。世充多詐。非撥亂主也。因

約俱西走。策馬謝世充曰。自顧不能奉事。請從此辭。賊不敢逼。於是來降。高祖

俾事秦王。拜馬軍總管。戰美良川。破尉遲敬德。功多。授秦王右三統軍。走宋金

剛於介休。拜上柱國。從討世充。建德黑闥三盜。未嘗不身先鋒。鑿陣前。無堅對。

進封翼國公。及平隱巢。功。拜左武衛大將軍。實封七百戶。卒。贈徐州都督。陪葬

昭陵。貞觀十三年。改封胡國公。後四年。詔叔寶及諸功臣。並圖形凌烟閣。高宗

永徽六年。遣使致祭。名臣圖於凌烟閣者。凡九人。叔寶與焉。按此無在楊林廳下事程

知節本名齧金。劇云齧金誤濟州東阿人。善馬稍。常聚眾數百。保鄉里。後事李密。爲

驃騎內軍。王世充與密戰。襲單雄信營。密遣知節及裴行儼助之。行儼中流矢。墮馬。知節抱行儼重騎馳。追兵以槊撞之。知節折其槊。斬追者。乃免。後密敗。爲世充所獲。惡其爲人。與秦叔寶來奔。授秦王府左三統軍。從破宋金剛。竇建德。王世充並領左一馬軍總管。秦旗先登者不一。以功封宿國公。尋遷右武衛大將軍。實封七百戶。貞觀中。歷瀘州都督。左領軍。大將軍。改封盧國公。顯慶二年。授葱山道行軍大總管。致仕卒。贈驃騎大將軍。益州大都督。陪葬昭陵。按此無在瓦崗

秦爲混世魔王及娶裴氏女蘭英爲妻事

唐書上官儀傳。儀字遊韶。陝州陝人。父弘。爲隋江都宮

副監。大業末。爲陳稜所殺。時儀幼。左右匿免。冒爲沙門服。寢工文詞。涉貫墳典。

貞觀初。擢進士第。召授弘文館直學士。遷秘書郎。

按此無與秦瓊交契事

隋唐列傳內。

無裴天柱及元慶名。亦無所謂華公義。劇不過添設點綴耳。

### 晉陽宮

不知何人作。演唐高祖太宗起兵晉陽。而關鍵則在高士廉。其名曰晉陽宮者。

歸重於高祖之意。實則鋪敘士廉爲主也。與正史多繆戾。言高士廉山西太

原仗義村人。父官兵部尙書。雙親已亡。妻秦氏。字冰姑。河南朱粲曾悞傷人命。

發配充軍。士廉父活之。收爲家將。劉文靜者。士廉父之門生也。由吏部侍郎。謫

官陽曲縣令。唐高祖封唐國公。鎮守山西。羣方告變。高祖承制。遣馬三寶討王

世充於洛陽。段志元討孟宣於曹州。殷開山討唐弼於山東。劉洪基討劉武周

於三關。按劇中平陽總兵山東軍門三關總兵等皆明時制度與隋唐時異李靖與文靜舊交。來謁高祖。識高祖

太宗爲眞主。相訂而別。飲餞之次。宇文化及奉煬帝命。使高祖建造晉陽宮。且


抽撥民夫。開掘便河。工程止限一月。高祖以錢糧無出爲憂。劉文靜因言。士廉

父曾許建泰安州神州娘娘宮殿一所。尙未酬願。若往借用。異日補還。可應一

時之急。士廉適謁文靜。高祖遂邀二人共計。士廉聽命。出其貲以給之。時曹州

孟宣號慨公。有二妻。曰藍白二夫人。皆受異人秘術。能呼風喚雨。撒豆成兵。宣

藉其助。取定陶濟寧鄆城東平附近之地。自立爲曹王。出兵犯山西界。爲志元



所敗。其友許靈鏡者薦士廉于宣。宣欲聘爲元帥。遣人奉黃金白璧明珠綵緞。致書敦請。士廉怒而叱去。宣欲引兵攻士廉。其妻力勸不可。宣復率衆親往。請士廉爲謀主。至則士廉已赴高祖。方共議造殿開河。宣不見士廉。而覩其妻之美。竟令從者挾秦氏登車而去。士廉于途次遇百姓紛紛不寧。皆怨宇文化及。誘煬帝爲不道。多方擾民。而河南劉黑闥方以路見不平。縱化及所拘里長爲化及部役所毆。且搶去白金二百。士廉問其故。以語侵化及。令放黑闥。役不肯從。士廉令朱粲放黑闥。役遂奔控化及。云士廉擊碎聖諭牌。化及立遣卒捕士廉。酷刑拷之。奏其與李淵謀爲變。使劉文靜點兵押解入京。候旨裁奪。朱粲隨行在路。百姓從者成羣。俱欲救士廉者。黑闥亦以士廉因已被禍。邀之於路。與衆相合。士廉堅守大節。叱衆無妄爲。衆心喧忿。共殺解卒。擁粲與黑闥而去。奉粲至河南。爲南陽王。士廉與文靜無如何。文靜思李藥師臨別時嘗留記云。途中禍起莫回程。開津越渡尋幽徑。遂與士廉倉卒共遁。投奔李靖。化及已建晉。

陽宮。且開河數百里。遂引煬帝乘舟看瓊花。至四屏山。各路叛寇共謀劫駕。隋將韓擒虎被殺。竇建德敗回。高祖太宗父子引兵勤王。諸寇始解去。煬帝遂撫太宗以爲子。已而入揚界。以瓊花爲觀名。將往看之。其花一夕爲風霆攝去。煬帝謂居民所誑。欲遣兵抄城。太宗力勸而止。化及又謂非民誑。乃守土者之罪。煬帝信其言。誅留守楊道靈。又逼其女墜樓而斃。太宗日擊煬帝所行。潛逃欲歸。化及知之。遣將引兵捕高祖父子。言其背叛。太宗至泗水。化及所遣將追及。欲擒之。李靖以錦囊計授士廉。令之往救。一面令文靜救高祖于晉陽。士廉救出太宗。偕靖同赴高祖。則高祖方爲化及將所擒。送禁獄中。晉陽百姓皆欲爲變。文靜與衆共救高祖。奉以爲主。高祖堅執不從。而太宗與士廉已至。衆心並合。又聞化及謀逆事成。自立僞號。高祖乃建義旗。居尊位。以李靖劉文靜爲左右丞相。士廉爲大將軍。卽遣士廉率先鋒馬三寶。討孟宣朱粲等。初士廉妻秦氏爲宣所得。欲污辱之。方將自刎。黑白二氏聞之。叱罵宣而引秦侍己。秦得無



汚其後宣粲共獵宣留粲至己帳粲見秦氏乃與黑闥共議以蒙汗藥醉宣酒而擒之并殺黑白二氏遂與黑闥歸唐士廉夫婦復合按唐書高儉字士廉

以字顯齊清河王岳之孫父勵樂安王入隋為洮州刺史部劇言為隋兵士廉敏

惠有度量狀貌若畫觀書一見輒誦敏於占對自以齊宗室不欲廣交屏居終

南山下吏部侍郎高孝基勸之仕仁壽中舉文才甲科補治禮郎劇言居太原仗義村誤又

以為從高祖起兵亦誤貶朱鳶主簿以母老不可居瘴癘地劇言雙親已亡亦誤乃留妻鮮于奉養

而行劇言妻秦氏亦誤會世大亂京師阻絕交趾太守丘利署司法書佐因為行軍司

馬高祖遣使徇嶺南武德五年與和來降秦王為雍州牧薦士廉為治中親重

之按武德中士廉始為唐臣劇言與高祖同起兵誤言挺身救太宗亦誤太宗時官尚書僕射同中書門下三品

知政事卒贈司徒諡文獻配享太宗廟廷士廉少識太宗非常人以所出女歸

之是為文德皇后按士廉本文臣非武將也長孫后是其甥女則與高祖太宗故當有交但不如劇所言耳劉文靜字肇

仁世居京兆武功父韶仕隋戰死贈上儀同三司文靜以死難子襲儀同儻

有器略。大業末爲晉陽令。按彼時止稱晉陽。劇改名陽曲。非也。云以吏部侍郎貶官亦繆。高祖爲唐公。鎮太原。

文靜深自結。既又見秦王曰。公子非常人也。豁達神武。漢高祖魏太祖之徒歟。

殆天啓之也。俄坐李密姻屬。繫獄。秦王私入視之。文靜挑言曰。喪亂方剡。非湯

武高光不能定。王曰。安知無其人哉。欲共大計。試爲我言之。文靜曰。上南幸兵

填河洛。盜賊蜂結。大連州縣。小阻山澤。以數萬。劇中言各路之兵。本此。須眞主取而用之。

誠能投天會機。奮櫓大呼。則四海不足定也。今汾晉避盜者皆在。文靜素知其

豪傑。一朝號召。十萬衆可得也。加公府兵數萬。一下令。誰不願從。鼓而入關。以

震天下。王業成矣。王笑曰。君言正與我意合。乃陰部署賓客將發。恐唐公不從。

文靜謀因裴寂開說。於是介寂以交王。遂得進議。及突厥敗高君雅兵。唐公被

劾。王遣文靜寂共說曰。公據嫌疑之地。勢不圖全。今部將敗方以罪見收。事急

矣。尙不爲計乎。晉陽兵精馬強。宮庫豐饒。大事可舉也。願公引兵西誅暴亂。乃

受單使囚乎。唐公私可會得釋而止。既而人心愁擾。益思亂。文靜寂乃勸起兵。

唐公開大將軍府以文靜爲司馬唐公踐天子位擢納言按文靜本與高祖同起兵然非因字文化

及文靜亦未嘗有押送高士廉事高祖亦未嘗被禁太宗與文靜同謀亦未嘗入隋爲煬帝撫以爲子自隋逃歸李靖乃後來所用初起時未嘗與文靜與靖

非舊馬三寶柴紹家僮紹尙平陽公主高祖兵起紹問道走太原三寶奉公

主遁司竹園撫接羣盜兵至數萬唐公濟河授三寶左光祿大夫秦王至竹林

宮三寶以兵詣軍門謁遂從平京師按傳中未嘗有討段志元殷開山劉弘

基皆高祖功臣段志元傳無討孟海公事殷開山傳無討唐弼事劉弘基傳劉武周犯太原弘基屯平陽陷賊俄自拔歸授左一總管從秦王

屯柏壁以勁卒二千由隰州趨西河躡賊歸路賊銳甚弘基堅壁儲勇及宋金剛遁走率騎尾之介休與王合擊大破之劇言弘基討武周本此明時乃有三

關軍門三關者偏頭寧武雁門朱粲傳粲亳州城父人初爲縣史大業中從

軍伐長白山亡命去爲盜號可達寒賊自稱迦樓羅王衆十萬度淮屠景陵沔

陽轉剽山南僭號楚帝攻拔南陽顯州首領楊士林田瓚起兵攻粲粲大敗遣

使乞降高祖使段確勞之粲收殺確奔王世充東都平斬洛水按粲非高士廉家將劇中事蹟

皆不實寶建德傳濟陰賊孟海公兵三萬據周橋城以掠河南建德自擊之克

周橋擄海公。高祖本紀。孟海公據曹州號錄事。武德四年二月。竇建德陷曹州。執孟海公。按海公劇誤作慨公。又言其名曰宣。據史。海公卽其名。未嘗名宣也。事蹟亦添出。又按隋末韓擒虎已不存矣。竇建德亦非隋將。劇言擒虎被殺。建德敗回。皆繆。

### 鴛鴦箋

不知何人所作。演水滸傳王英扈三娘事。謂兩人各以鴛鴦箋賦詩。時遷於暗中互換。使兩相思慕。後成伉儷。因用是名。與水滸情節大異。略云。淮北人王英。字子千。僑寓蘇州。短小多勇力。粗知書。號矮脚虎。避亂逃生。至鄆州境上。聞祝家莊祝龍祝虎兄弟豪邁。欲往投之。時雲龍山公孫勝往投宋江。英與遇於酒肆。二人暢飲。結義而別。祝家莊者。土豪祝太公之家。太公二子。長龍。次虎。皆勇悍絕倫。莊東曰李家莊。莊主李應。號撲天鵬。與妻杜瓊英並驍勇。善使飛刀。莊西曰扈家莊。莊主扈成。其父道隆。祝氏之壻也。道隆已歿。子成爲祝太公甥。其妹三娘。長大姣好。號一丈青。善使日月雙刀。馬上慣用紅絲套索。李扈兩莊。

皆奉祝爲主而羽翼之。時祝莊教師欒廷玉死。龍虎方欲別聘一人。而英適至。兄弟皆待之甚厚。然英謂龍虎佻達。其心顧傾於宋江。龍與英射獵。扈三娘亦率女侍出獵。猛虎突出。英手搏殺之。三娘見而羨其勇。龍呼英與三娘相見。英窺三娘之美。特鍾情焉。時遷於翠屏山。覩楊雄石秀殺潘巧雲事。聞秀欲因戴宗投梁山。遂與結伴而行。嗾雄秀先往。遷抵李應酒肆。偷食其鷄黍酒食。醉臥庭中。應覺欲擒之。遷乃縱火焚其室。自詫云。我梁山泊好漢時遷也。應莊失火。乃走訴於祝。而瓊英往投三娘。祝太公欲使人追捕。時遷英欲藉遷以通江。遂自請行。途遇鄭天壽。英故交也。方偕遷行。問英何往。英不識遷。告欲追賊之故。天壽邀英入己莊。問其行止。英言本意欲投宋江。天壽言非時遷不可。因以遷告。三人共相結。遷見英情狀恍惚。假寐竊聽之。英念扈三娘不置。中夜出鴛鴦箋一幅。書絕句云。秦國佳人映彩霞。懸山隔水路。途賒有時。邀請飛仙至。定折嫦娥鏡。裏花遷俟英熟寐。竊其箋。潛詣三娘臥室。三娘亦思英。書一絕於鴛鴦

箋云。花影移階夜已深。空庭寂寞且回身。低頭懶上妝臺望。人在吳宮月在秦。詩成。三娘隱几而臥。遷潛以英詩換之。兩人見所易牋。各驚駭以爲神異。時宋江已招公孫勝入山。欲與祝家莊結爲唇齒。勝言王英正投祝氏。可令說祝江。卽遣秦明下山覓英。而高俅授祝太公父子爲武寨都總。豎大言牌於寨口。曰。填平水泊擒晁蓋。踏破梁山捉宋江。秦明見之。怒而擊碎。祝虎率衆追明。天壽英遷衝出。虎乃退去。明出公孫勝書。致江請英之意。三人遂偕明共投梁山。宋江聞大言牌。怒遣頭領石秀花榮劉唐張順等。共攻祝家莊。榮唐順皆被擒捉。英請自往。招三娘入寨。及戰各相認識。英自述姓名。及詩箋事。三娘心甚留戀。而一時莫爲計。遂擒歸。禁置空屋。令老僕守之。且戒勿令祝氏兄弟知。蓋意欲納爲夫也。祝虎於元宵燈節。見李應妻瓊英觀燈於扈氏。欲誘奸之。會宋江兵至。應夫妻出戰。與三娘並得勝。置酒宴之。虎于筵上捉瓊英手。瓊英怒詬爲虎母柴氏所知。責罵其子。瓊英不復言。虎復用計遣應擊燕順。燕順者。鄭天壽所

招清風寨之盜魁歸於宋江者也。虎遣應出，欲潛圖瓊英。瓊英與應謀，詭言家出怪，請虎來護。虎謂得計，亟至李莊。瓊英醉之以酒，潛塗其面，令入帳中。喚云：妖至。虎家丁入內，虎聞喧攘而出。家丁以爲妖，共擊殺之。應夫婦同上馬去。祝龍聞而追之，瓊英飛刀殺龍，遂往投江。江方以榮唐等被擒，使時遷密往，屬爲內應。且遣武松、林冲等率兵亟攻之。祝太公無計，使英作書致江，進金銀請降。會三娘于陣上，爲林冲所追，落馬陷坑中，被擒入寨。江使李應夫婦守之。其兄成又歿於陣。英致江書，并附鴛箋於內。江遂納祝太公降，使英與三娘結夫婦。共受招安，隨征方臘云。按水滸傳：王英與燕順、鄭天壽共據清風山。宋江過之，爲順所擒。及聞江名，起拜置酒，留飲山中。英聞有女轎在山下過，卽往劫之。乃文知寨劉高之妻，欲占爲室。江力勸送還，英未從。而順立遣擡轎下山。英甚忿悒。江力任後，當覓好女以妻英。及江下山投武知寨，花榮、榮留署中。元宵出市看燈，爲高妻所見，指以爲盜，擒送獄中。花榮引兵奪回，遣江潛避青風山。復

爲高所擒。申文青州守慕容彥達。彥達遣都監黃信。并擒榮江。用囚車解送。道上爲燕順等劫去。守復遣統制秦明往討。復爲誘敗。明旣被擒。并誘信降江。王英得劉高妻。復欲納之。爲燕順所殺。英怒。欲與順并命。江勸英勿傷舊好。必得好女配之。其後攻祝家莊。擒扈三娘。乃以配英。英未嘗先與三娘有情也。傳云。英形貌崢嶸。性粗鹵。安得有貌爲三娘所喜。且安能作詩。三娘亦村莊之女。但言其善戰。未言其能詩也。王英隨打祝家莊。爲三娘所擒。三娘旋被李逵追趕。林冲擒捉。未曾擒榮唐等也。李應本巨富之家。劇言受祝家莊約束。若其所管轄者。亦謬。應僕杜興。楊雄嘗救其死。故興爲雄與石秀求應書救時。遷祝彪裂書大罵。且射中應。應遂歸心宋江。劇言以妻杜瓊英受侮之故。亦謬也。時遷偷祝莊之鷄。石秀縱火而去。天壽燕順先與江共赴梁山。祝龍祝虎兄弟。尙有祝彪最勇。卽聘扈三娘爲妻者。宋江攻祝家莊。欒廷玉未死。種種情節皆不合。大言牌所書填平水泊二句。是水滸傳中實事。在宋江勒馬獨龍岡時敘出。



# 狀元堂

亦名月華緣。劇內用宋朝御史中丞平章軍國重事等官名。然又用登萊督府經略總鎮等名。則明代始有。蓋近時人所作。參錯用之也。其名狀元堂者。言其父子兄弟姪皆擢大魁。朝廷書狀元堂扁額以賜。故取爲名。其名月華緣者。因看中秋月華。覓得漁家之女。生子登第。故取爲名。大段以一門榮貴。備壽筵吉席之宴。其末云。太師有子有孫。有福有壽。河南秀氣。俱被一人占盡。似有所指。而河南人爲宰相者。明代李賢。劉健。焦芳。劉宇。劉忠。賈詠。許讚。高拱。郭朴。沈鯉。在成化以後。萬曆以前。是時未有登萊巡撫。安得預設登萊督府之稱。自後惟本朝宋權。順治年間拜大學士。其子孫貴盛。疑作此者不過一二十年以內。爲商丘宋氏而作也。自古未有父子兄弟姪俱中狀元者。極力鋪張。不嫌過量。借用呂蒙正。祖謙。文彥博等姓名。隨意點染。又故顛倒錯雜。以見子虛無是之意。

按呂蒙正河南人。太平興國二年榜第一人。非太祖開國第一科也。呂祖謙乃夷簡之元孫。於蒙正爲五世從孫矣。劇云父子太舛。又蒙正子皆排

簡字爲名。劇云：蒙正孫一簡，亦舛。宋時宰相，惟文彥博拜平章軍國重事，更無他人。蓋在元祐時，以其年老，惟重事與平章也。今蒙正彥博并見劇中，卻移彥博官銜在蒙正名下。蒙正再入相，則是實事，又劇以蒙正子爲范仲淹之壻，蒙正仲淹不得同時。呂夷簡與仲淹不合，亦不得連姻。又云：祖謙爲文彥博之壻，彥博祖謙相去甚遠，不得同時。祖謙於初娶時，作東萊博議，亦無離合等情。其石浩夢中登第之兆，則影射明費宏、焦竑事。

略言蒙正辭

相位林居年已七十，與鄉榜同年石浩慶賞中秋，見月華五彩，紅光下注漁舟，蹤跡得漁人張少璞之女芬蘭，娶爲繼室，生子祖謙。其長子祖約，娶妻范氏，四十無子，自蒙正娶張而范亦生子一簡，叔姪俱長成英發。祖約久宦爲顯官，少司馬文彥博有女名玉紅，才且美，嘗登樓爲祖謙所窺，見會彥博妻病，召畫工寫真，祖謙故善畫，僞充畫工入內室，見玉紅侍病，先描女容，乃圖母象，夜宿彥博書館，又描己容與女相並，及明還家，而雙容墜于地，玉紅拾得之，密藏奩具中。祖謙擢魁遊街，玉紅樓上望見，心知祖謙，頗屬意焉。初漁人少璞已嫁其女，偶游海上，爲婆羅國女主所獲，以爲參謀。久之，婆羅寇邊，彥博奉命往討，祖謙監其軍，對陣時，婆羅悅祖謙之美，言得祖謙伉儷，卽止不攻。時城已大困，束手。

無策。玉紅乃僞充祖謙往以救父。而祖謙乘間逸出。婆羅得玉紅大喜。尋知被

給。怒欲烹之。少璞力救免。乃送於海邊。問心庵。會祖謙兄祖約引兵來援。婆

羅女主敗沒。少璞降于軍。石浩者。蒙正同年。同邑老孝廉也。夢見天榜。狀元呂

祖謙探花。則浩會試十七次。登一甲第三名。其狀元果祖謙也。封王高麗。明時

汝敬劉一燦等皆以翰林封王高麗。此為有據。憇海邊。問心庵。挈玉紅歸。以為女。彥博祖約祖謙先後

抵庵。兄弟相晤。而玉紅已去。不值。及班師還。蒙正先與浩訂婚。為祖謙聘其女。

祖謙心憶文女。不願婚石氏。婚夕。殊怏怏。既而見其貌儼若文女。詢之果然。其

畫卷猶在奩具中也。乃皆大喜。是時少璞投降。且招他部落來附。授為將軍。祖

約等皆晉爵。而一簡又擢高第。天子賜扁。一門榮貴。海內衣冠之盛。無過此者。

矣。夷門廣牘異域志云。婆羅國男女皆佩刃而行。但與人不睦。即刺殺之。若

國人至。捫其婦人乳者。自喜。曰。你愛我。若有私意。即出刃刺殺之。劇中敘婆羅

女主之雄。蓋本於此。但誤婆羅為婆羅耳。若婆羅門則在大西。今云近高麗。不

相涉也。明成化初。有一舉人名忘其會試。夢中費宏榜進士。醒而徧訪公車者。

無其人。至二十三年丁未。鉛山費宏狀元。其人始雋。洪甫二十。當其夢時。宏未

生也。又上元焦竑。嘉靖己酉登鄉榜。讀書金山。夢明日有同年之父至。比曉出

寺門候之。未幾一縉紳入。揖問。則華亭陸樹聲也。樹聲辛丑會元。官翰林。竑大

喜。既而細詢。則樹聲未有子也。竑乃大感。其後樹聲得子曰彥章。竑往視之。彥

章微笑。竑乃歲歲往視。迨萬歷十七年己丑。彥章登第。而竑爲是科狀元。竑會試十

四科與劇中石浩相彷彿。夢祖謙狀元。則又與費宏彷彿。

### 西遊記

相傳西遊記小說。乃元丘處機所作。處機道家北宗七真人之一。所記乃唐僧

取經事。蓋緣修煉之說。以釋氏極樂國。實產金丹。宗旨相通。欲合爲一。其說見

于悟真篇。處機作記本此。而此劇則就小說中提出數節。以成編。未嘗別構鑪

錘也。悟真篇云。釋氏教人修極樂。只緣極樂是金方。大都色相唯竑實。餘二

非眞謾度量。註曰。極樂淨土在西方。西者金之方。此中唯產金丹。一粒如黍。其重一斤。釋氏餌之。故有丈六金身。妙色身相。蓋亦由金丹而產化也。丈。亦按二八之數。西方卽金也。世人莫能曉此。古仙明有歌曰。借問瞿曇。是阿誰。住在西方極樂國。其中二八產金精。丈六金身從此得。若人空此幻化身。親授聖師眞軌則。霎時咽罷一黍珠。立化金剛身頃刻。斯言盡之矣。外此議論。謾爾度量。

王禕青巖叢錄。唐貞觀三年。三藏元奘往西域諸國。會戒賢于那蘭陀寺。因授唯識宗旨以歸。授慈恩基。乃網羅舊說。廣製疏論。是爲慈恩之宗。太平廣

記。沙門元奘。俗姓陳。偃師縣人也。幼聰慧。有操行。唐武德初。往西域取經。行至罽賓國。道險虎豹不可過。奘不知爲計。乃鎖房門而坐。至夕開門。見一老僧。頭面瘡痍。身體膿血。牀上獨坐。莫知來由。奘乃禮拜勤求。僧口授多心經一卷。令奘誦之。遂得山川平易。道路開闢。虎豹藏形。魔鬼潛跡。遂至佛國。取經六百餘部而歸。其多心經至今誦之。初奘將往西域。于靈巖寺見有松一樹。奘立于庭。

以手摩其枝曰。吾西去求佛教。汝可西長。若吾歸。卽卻東迴。使吾弟子知之。及去。其枝年年西指。約長數丈。一年忽東迴。門人弟子曰。教主歸矣。乃西迎之。契果還。至今謂此松爲摩頂松。釋氏稽古略。三藏元奘法師。貞觀三年冬。往西域。取未至佛經。詣闕陳表。帝不許。師私遁。自原州出玉關。抵高昌。葉護等國而去。貞觀七年。至中印度。遇大乘居士。受瑜珈師地。入王舍城。止那蘭陀寺。從上方戒賢論師。受瑜珈唯識宗旨。留十年。歸自王舍城。貞觀十九年正月丙子。至京師。長安留守房玄齡表聞。王辰。法師如洛陽。二月己亥。見於儀鸞殿。帝曰。師去。何不相報。曰。當去時。表三上。不蒙諒許。乃輒私行。帝曰。師能委命求法。惠利蒼生。朕甚嘉焉。師因奏西域所獲梵本經論六百五十七部。乞就洛陽嵩山少林寺。爲國宣譯。帝曰。朕頃爲穆太后勅弘福寺。可就彼翻譯。勅平章房玄齡專知監護。資備所須。一從天府。貞觀二十二年六月。帝製法師新譯經大唐三藏聖教序。時皇太子觀聖序。遂撰述聖記。詔皇太子撰菩薩藏經後序。八月。帝賜

法師百金磨衲。并寶剃刀。法師奉表謝略曰。忍辱之服。彩合流霞。智慧之刀。鈿逾切玉。謹當衣以降煩惱之魔。佩以斷塵勞之網。高宗永徽三年。法師于慈恩寺將建大塔。奉安西取經論梵本。表奏。勅賜大內及東宮掖庭等七宮亡人衣物。助師營辦。法師授以西域制度。塔成。高二百尺。顯慶四年十月。制以玉華宮爲寺。追崇先帝。詔法師居之。次年。師于玉華譯般若經。麟德元年二月。法師命弟子大乘光抄錄所譯經論。凡七十五部。一千二百三十五卷。又召門人造像設齋。與衆辭決。令左右念彌勒如來。初五日中午。右脇安臥而逝。壽六十五。帝輟朝三日。勅斂以金棺銀槨。四月。塔於滄東原。弟子神泰樓元會。隱慧立明。濬義。褒大乘光。皆法門龍象。法師以西域戒賢論師處所得瑜珈師地唯識宗旨。授窺基。相傳夏均政撰。今此刻曰陳龍光撰。或當有二本。演義諸妖。已具大略。可謂簡而該矣。

## 錦雲裘

係近時人作。不知誰筆。

衛化龍以錦雲裘覆韓舞霓。後成夫婦。指爲戰國時人。荒誕無所據。

燕上大夫韓仲女

舞霓。仲使魏。下大夫卜成輔行。以女託其舅田允。仲至魏。爲成所賣。魏相趙秘留仲。獨遣成歸。成譖仲降于魏。燕王信之。捕仲家屬。舞霓懼而逃。有衛化龍者。奉母曾氏有孝行。貧不能自存。居仲園草屋一間。舞霓聞其孝心。憐之。與金令出外尋立身之地。而留其母爲伴。捕者將至。曾氏偕舞霓出走。化龍至魏。無所遇。乞於路。茶媪李氏有女青青。收化龍。使爲傭保。趙秘之婿花有容。強納青青爲妾。青青不從。化龍毆有容。從者有容訴之官。枷化龍于市。青青往探。而有容方命僕毆化龍。化龍用枷觸有容。立死。比到官。青青供係已殺。縣令釋化龍。而拘青青于後堂。令妻見。令有狎侮心。潛縱青青去。秘欲殺青青不得。而舞霓適逃入魏。捕者竟執送秘。以爲青青。將斬于市。化龍劫之。不能脫。秘欲並斬二人。化龍言女非青青。乃燕大夫韓仲女也。秘念仲方抗己。留其女爲姬。可以辱仲。乃釋女。而用化龍爲家將。以錦雲裘賞之。迨逼舞霓不從。怒而擊死。令化龍投



諸河化龍覆以裘。暫去將覓地理之。舞霓復活。有飛天母夜。又令狐氏者。嘯聚五龍山。徧掠女子爲裨將。青青曾氏皆爲所得。又掠舞霓。悉用爲將。秘念已殺舞霓。他日仲還國。必報怨。不如并殺之。乃使化龍刺仲。化龍反以秘謀告仲。回身殺秘。而隨仲還燕。因田允奏使魏曲折。燕王乃治卜成罪。復仲官。使允率化龍討五龍山賊。賊誘化龍入。擒之。欲用爲將。使曾氏與語。以舞霓青青配之。四人合謀。殺夜。又以降舞霓。青青並歸化龍。母夜叉事與母大蟲相類。野獲編作者當是萬曆以後人也。萬曆乙未丙申間。畿南霸州文安之間。忽有一健婦剽掠。譚名母大蟲。其人約年三十。貌亦不陋。雙趺甚纖。能于馬上用大鎗。置一足于地。馳騎過之。下一鎗。則剖爲二。再馳再下。則劈爲四。其精如此。遇之者不知其能。或與格鬪。必爲所殺。橫行者三四年。前後有夫數人。稍不當意。手卽刃之。有一徽人王了塵者。善用鐵鞭。聞此婦絕藝。棄死與角。半日未解。此婦卽放仗講解。留以爲夫。王有嫪毒之能。恨相見晚。王尋見此婦所殺甚多。官兵漸謀取之。恐并入網。遂潛逃入

京此婦恨極。挈精卒數騎。入京城踪跡之。都下見其異。亟集選鋒輩往捕。此婦馳出城。追騎及之郊外。內一人敗。爲所殺。然諸軍愈盛。其從騎俱逃散。就陣生擒之。磔于市。

### 胭脂雪

所記白皂隸修行。厥子顯貴。當有所指。然未見其事蹟。中間御史失印及盜用木瞎子劫其家。則二事皆智囊所載也。言洛陽人白懷。本縣之隸。立意爲善。於公門中廣行方便。生子白簡。英敏絕倫。道過鐵嶺山。爲盜魁公孫霸號。賽虬髯者。禽至山寨。簡以大義相感動。賽虬髯心敬之。贈以貂裘一領。其名曰胭脂雪。賽虬髯掠一女子韓氏。卽託簡挈歸。送還其家。韓氏者。淘沙韓若水之女。名曰青蓮。若水貧甚。負本邑富豪莫亮之債。不能償。若水與同業秋愛川。爲賽虬髯誑入山中作工。未及歸家。亮遣家人索債。逼奪其女。亮置女東莊。欲強爲妾。青蓮不從。會盜至。大掠亮家。且劫女去。知其有志節者。故以託簡。簡蒼頭爲畫策。

恐送歸而莫亮以盜案相牽也。蒼頭有妹。居梁店鎮。遂送韓氏於妹處。而隨簡入京師。莫亮家有比明鏡。乃三寶太監下西洋時所得。分爲兩片。則無異頑銅。合之則上矚重霄。下徹江海。中見千里之遙。瞽目一照。鬚眉畢現。天下至寶也。盜劫其家。此鏡亦失。若水愛川於虬髯寨中砌路。拾得之。至杏花渡。以其半予舟人。舟人以予白簡。若水知女在莫宅。急往贖之。而半鏡在銀包內。亮遂以爲盜。執送縣官眞瑞圖。傳致死罪。羈禁獄中。又得亮賄。令白懷討若水。氣絕病呈。亮令家人賄禁子金。爲懷所持。責禁子保任。若水若水得無死。而縣官追半鏡甚急。愛川許爲遍索。仍至杏花渡。唱道情。具述其事。爲之訴冤。白簡在京師作寓。朝廷忽微行。至其寓中。簡不知爲上也。談論良久。天氣漸寒。簡以胭脂雪進服之而去。明日令中貴傳旨召簡。賜進士第。授廉訪使之職。因其以裘獻。賜名裘御天。簡亦不敢復姓。私行至新橋。見愛川唱冤情。說至比明鏡事。簡探懷中欲與之。而人叢中爲剪絡者所竊。并失廉訪之印。剪絡者。卽蒼頭妹之子也。持

鏡與印歸家。青蓮見之。出汲水。忽遇愛川。言若水罪禁。并求半鏡。始末。青蓮卽取鏡印。并付愛川。愛川獻于縣官。縣官卽將愛川監禁。而藏廉訪之印。簡失印。大窘。會縣官遣役迎簡。中有白懷名。簡密致之舟中。與商其事。懷教簡僞失火。以印箱授縣令。火滅還印箱。則印已完璧矣。於是開門理事。若水妻訴冤。簡盡翻其獄。釋若水。愛川定亮反坐之罪。招降賽虬髯。而納青蓮爲正室焉。智囊警者朱化。凡居吳江。善卜。就卜者如市。家道浸康。一日晡時。忽有青衣二人。傳主人命。欲延朱於舟中問卜。其主人貴公子也。朱辭以明晨。青衣不可。曰。主人姓卞。急且所占事不得緩。固請同行。因左右翼而去。良久至一舟。似僻地。而人甚夥。坐定。且飲食之。謂朱曰。吾儕探囊者。實非求卜。今宵擬掠一大姓。借汝爲魁。朱大恐。自云盲人無用。答曰無佗。但乞安坐堂中。以木拍案。高叫快取寶來而已。得財當分惠汝。不然者。斫汝數段。投波中矣。朱懼而從之。夜半。如前翼之而行。到一家。坐朱堂中。朱如其戒。且拍且叫。羣盜罄所藏而去。朱猶拍呼不已。

主人妻初疑賊尙在未敢出。久之竊視止一人而其聲頗似習聞者。因前縛舉火照之。乃其夫也。所劫卽化凡家。驚問其故。方知羣賊之巧。智囊有御史怒其縣令。縣令密使嬖兒侍御史。御史暱之。遂乘間竊其篋中篆去。御史顧篆篋空。心疑縣令所爲。而不敢發。因稱疾不視事。嘗聞某教諭有奇才。因其問疾。召至床頭。訴之。教諭教御史夜半於廚中發火。火光燭天。郡縣俱赴救。御史持篆授縣令。他官各有所護。及火滅。縣令上篆篋。則篆在矣。或云。此教諭乃海瑞也。

### 水滸青樓記

不知何人作。全據羅貫中水滸傳。敘宋江逃竄戰鬪之事甚多。詞意粗鄙。不逮梅花墅所編遠矣。第二齣宋江自敘。至認宋玉爲遠祖。宋庠爲從兄。尤可噴飯。續通鑑綱目。宋徽宗宣和三年。淮南盜宋江。掠京東諸郡。知海州張叔夜擊降之。宋江起爲盜。以三十六人。橫行河朔。轉掠十郡。官軍莫敢撓其鋒。知亳州侯蒙上書。言江才必有過人者。不若赦之。使討方臘。以自贖。帝命蒙知東平府。

未赴而卒。又命張叔夜知海州。江將至海州。叔夜使問者覘所向。江徑趨海濱。

劫巨舟十餘載。鹵獲。叔夜募死士得千人。設伏近城。而出輕兵拒海。誘之戰。先

匿壯卒海旁。伺兵合。舉火焚其舟。賊聞之。皆無鬪志。伏兵乘之。擒其副賊。江乃

降。演義全本皆宋江事蹟。据劇所演。亦皆江事。凡作四卷。卷一第三折議取

生辰。四折衆劫生辰。晁蓋。吳用。公孫勝。劉唐。阮小五。阮小七。白勝。皆見。六折晁蓋上山。宋江因何濤

蓋走馬通信于蓋。從前七盜俱見。添出。八折劉唐送書。單敘送金與江。口中帶

朱仝雷橫兩都頭。又添黃團練。安緝捕。十一折宋江

晁蓋以吳用為軍師。五折始交婆惜。七折文達詞情。十折江殺婆惜。敘出青樓正面。十一折宋江

逃罪。敘出朱雷縱江。卷二第一折清風相遇。敘宋江于清風山遇燕順王英鄭天壽。口中

二折江投花榮。口中敘出在清風山勸釋劉知寨妻。三折劉高觀燈。四折榮救宋江。五折智捉花

榮。七折秦明中計。八折黃信入火。皆敘清風寨事首尾。九折郭呂鬪戟。敘於對影山遇

折家書寄江。十折石勇遇江。十一折宋江回家。十二折受配江州。敘江父令宋

誑其回家。趙能趙得。卷三第一折義別梁山。敘晁蓋留江不肯住事。二折揭陽相遇。敘遇

捕江刺配江州一段。

帶出李立童威童猛。三折薛永賣武。四折穆莊聚會。敘江賚助薛永激怒穆春逃至江邊。幾為張橫所害。李俊救之。復至穆莊。

與穆弘兄弟等相聚。張橫寄書與弟張順。令交宋江事。五折管營厚江。六折戴宗初識。七折李逵賭博。八

折張李相爭。十折潯陽誤題。十一折文煥抄詩。卷四一折戴宗授計。二折鞠審

宋江。三折戴宗拜別。四折信至梁山。五折偽書救友。六折通判辨謔。七折衆劫

法場。八折無爲報仇。皆敘宋江江州事。張李相爭者。張順李逵水陸互搏也。潯陽誤題者。題反詩也。文煥黃文煥也。抄反詩以示蔡九知

府也。授計令妝瘋也。拜別往京投知府家書也。信至梁山帶出朱貴晁蓋吳用等。蓋戴宗至梁山報江被擒之信也。偽書吳用誘蕭讓金大堅作蔡京假書也。

通判辨訛黃文煥指明偽書也。報仇殺黃文煥也。九折衆英上山。添出歐鵬蔣敬馬麟陶宗旺。十折私奔回家。十一

折宋江受難。十二折元女賜書。敘宋江回家為趙能趙得所迫。躲入九天玄女廚中。夢神賜書事。十三折父子

團圓。敘宋江迎父入山事。十四折反邪歸正。敘宋江招安事。

曲海總目提要卷四十二終



# 曲海總目提要卷四十三

江都黃文暘原本

長洲吳梅校訂

## 尺素書

一名空柬記。小說中劉元普雙生貴子。卽其事也。雖無確證。事當有之。足以勸世勵俗。裨助風教。蓋佳話也。宋眞宗時。洛陽劉弘敬。字元普。官至青州刺史。年甫六旬。告歸林居。與繼室王氏相得。富而好義。揮金如土。四方聞其名。但以無子爲憂。家事一切委妻姪王文用。時有李遜者。字克讓。本粵西人。寓居京師。成進士。授錢塘縣令。抵任未一月。病垂危。念無可託妻子者。惟洛陽劉元普名聞天下。而素未相識。不可以自通。旣而心計。非此人不可。乃作空函。緘封甚固。書函面曰。辱弟李遜書。呈洛陽恩兄劉元普親拆。呼妻張氏子彥青付之。曰。此吾八拜交也。可往投之。必能濟汝母子。遜沒權厝浮丘寺中。彥青母子執書往。

投弘敬。弘敬默計遊好中無所謂。李克讓者函面語甚暱。而展函則無一字。茫然不能解。已而悟曰。我知之矣。乃呼妻王氏出見之曰。此吾故交妻若子也。舍之南樓。飲食家具悉備。張氏性溫淑。有遺腹數月。彥青字春郎。英敏老成。弘敬視同骨肉。且遣使迎遜柩于錢塘。弘敬愛彥青。每自傷無後。王氏曰。當亟娶妾。不可遲也。姪文用往汴京。卽以屬之。襄陽刺史裴習字安卿。汴人也。妻鄭氏早亡。惟一女蘭孫。隨于任所。習居官清謹。性尤慈仁。暑月飲水。因念獄囚拘禁之慘。命獄吏散禁諸囚。日給涼水。獄囚竟乘懈脫逃。盡殺獄卒。及府佐貳事。聞逮繫法司。家產沒官。蘭孫借清眞觀棲息。習瘐死獄中。蘭孫不能殯。乃插標號。慟賣身葬父。媒氏薛媪引王文用視之。買歸謁其姑。姑大喜。勸弘敬納爲側室。弘敬察其體態不似民女。而愁恨之色。若有大冤者。細詰之。盡得其實。慙然曰。此賢使君女也。安可辱爲小星。乃令別居內室。而遣使迎習柩于襄陽。會兩柩俱至。卽爲買兩地。擇吉俱葬焉。王氏猶勸弘敬納蘭孫。弘敬乃認爲女。以絕其念。

且選吉日。以蘭孫嫁彥青三人者。感弘敬入於骨髓。一日弘敬夢兩人紫袍象簡。且拜且言曰。某襄陽刺史裴習。某錢塘縣令李遜也。上帝憐兩人清忠。封習爲天下都城隍。遜爲天曹府判官。習繫死。幼女無投。承公大恩。賜之佳婿。又賜佳城。遜與公無交。難訴衷曲。故以空函寓意。公慨然認義。養生送死。已出殊恩。淑女承祧。尤爲望外。吾兩人合表上奏天庭。官加一品。壽益三旬。子生雙貴。遜有遺腹小女鳳鳴。明早出世。以奉長郎君箕箒。公與我媳。我亦與公媳。略盡報効之私。弘敬夢覺。而張氏彥青蘭孫得夢皆相同。翼日張果生女。未幾弘敬妻王氏果生一子。弘敬以夢中示兆。取名天祐。字曰夢禎。是時年已七旬。洛陽人皆以爲陰隲之報。周晬之後。乳母偕天祐遊戲。侍婢朝雲抱天佑。失手墮地。乳母大詬之。朝雲不能堪。曰七十生子。事多可疑。一跌耳何足詬也。弘敬聞其言。夜呼朝雲侍寢。明歲亦生一子。取名天錫。字曰夢符。蘭孫之舅氏鄭某。故西川節度使。召擢樞密副使。以書抵蘭孫。令人京相見。彥青母子遂偕入京。彥青就

試擢大魁。歸探弘敬。以妹字天祐。又以鄭女素娟字天錫。三姓爲至戚。而鄭與  
彥青前後奏聞。弘敬陰功盛德。天子爲進爵加秩。果至一品。弘敬乃集賓親。語  
及空函認義之事。其初并未令王氏知也。厥後兩子皆登第。而年果至百歲。說小

中言彥青天祐皆爲狀元。彥青登第十年。便至禮部尙書等語。皆  
誇張不合。反令人不信。真此事作劇者。粧點好看。則無不可。按明正德

初。同安林瀚爲南京兵部尙書。年已七十。建造房屋。匠斲巨梁。未上一婢偶出。  
橫騎此梁。衆共叱之。婢怒而罵曰。公卿將相。豈不自此出。騎一梁。何詬也。瀚聞  
異之。呼侍寢。生子名曰庭機。時南京兵部銜曰參贊機務也。至嘉靖中。庭機亦  
爲南京兵部尙書。此頗與朝雲事相近。太平廣記云。唐彭城劉弘敬。字元溥。  
世居淮澗間。資財豐盛。長慶初。有善相人于壽春相逢。決其更二三年必死。元  
溥信之。乃爲身後之計。有女將適。抵維揚。求女奴資行。用錢八十萬。得四人焉。  
內一人方蘭蓀者。有殊色。而風骨姿態。殊不類賤流。元溥詰其情。對曰。賤妾家  
本河洛。先父卑官淮西。不幸遭吳寇跋扈。緣姓與寇同。疑爲近屬。身委鋒刃。家

仍沒官以此湮沈無訴賤妾一身再易其主今及此焉元溥太息久之因問其親戚知其外氏劉也遂焚其券收爲甥以家財五十萬先其女而嫁之蘭蓀旣歸夢見一人披青衣秉簡望塵而拜曰余蘭蓀之父也君壽限將盡余感君之恩當爲君請于上帝後三日復夢蘭蓀之父立於庭紫衣象簡侍衛甚嚴前謝元溥曰余幸得請君子帝許延君壽二十五載富及三代其殘害吾家者悉獲案理帝又憫余之冤署以重職獲主山川于淮海之間嗚咽再拜而去後三年相者復至迎而賀元溥曰君壽延矣自眉至髮而視之有陰德上動于天者元溥始以蘭蓀之父爲告相者曰昔韓子陰存趙氏太史公以韓氏十世而位至王侯者有陰德故也

### 翻千金

不知何人作千金記所重在韓信報漂母之恩今以漢誅韓信結局而於蒯通口中敘信功似指高帝待信寡恩之意其首尾述張良事以便作團圓也劇

中節目如韓信登壇拜將。定三秦。破齊魏。會垓下。王齊楚。皆見千金。大略相彷彿。張良得倉海君。博浪沙中副車。遇黃石公。圯橋上傳兵法。及後從赤松子游。皆見赤松記。項羽爲虞公贅壻。調伏烏騅。見玉麟符記。宴鴻門。別虞姬。分見千金赤松記。其蒯通說信鼎立。信不肯聽。通揣信必敗。乃生祭信。及信受誅鐘室。云悔不用通言。高帝擒通欲烹。通歷數信十大功勞。高帝亦以其言近理。特釋通罪。則他本所無。雖有增飾。非無根也。漢書蒯通傳。史記通事只附韓信傳中不詳通范陽人。

本與武帝同諱。

本名爲徹

楚漢初起。武臣略定趙地。通說范陽令徐公降武臣。後漢

將韓信。擄魏王。破趙代。降燕。定三國。引兵將東擊齊。聞漢使酈食其說下齊。信欲止。通說信襲齊王。定齊地。自立爲假齊王。項王遣武涉說信欲與連和。蒯通知天下權在信。說信令背漢。云當今之時。足下爲漢則漢勝。與楚則楚勝。莫若兩利而俱存之。參分天下。鼎足而立。其勢莫敢先動。信曰。漢遇我厚。吾豈可見利而背恩乎。通曰。勇略震主者身危。功蓋天下者不賞。足下涉西河。擄魏王。禽

夏說下井。誅成安君之罪。以令於趙。脅燕定齊。南摧楚人之眾。數十萬眾。遂斬龍且。西向以報。此所謂功無二於天下。略不世出者也。按通數信十大功勞。據此爲本。又添九里。

山會垓滅楚。此在通說後。足下挾不賞之功。戴震主之威。歸楚楚人不信。歸漢漢人震恐。足

下欲持是安歸乎。信曰。生且休矣。吾將念之。數日。通復說曰。時乎時不再來。願

足下無疑臣之計。信猶豫不忍背漢。又自以功多。漢不奪我齊。遂謝通。通說不

聽。惶恐乃陽狂爲巫。按通自信封齊時已去。今劇以僞遊雲。夢時信將迎謁。通活祭之。與史不合。天下既定後。信以

罪廢爲淮陰侯。謀反被誅。臨死歎曰。悔不用蒯通之言。死於女子之手。高帝曰。

是齊辨士蒯通。迺詔齊召通。通至上欲烹之。史記有冤哉烹也。句。劇中稱冤本此。曰。若教韓信反

何也。通曰。狗各吠非其主。當彼時。臣獨知齊王韓信。非知陛下也。上迺赦之。齊

悼惠王時。曹參爲相。請通爲客。通論戰國時說士權變。亦自序其說。號曰雋永。

### 善惡報

近時人作演禪真逸史。林太空鍾守靜事。以林修善而成正覺。鍾行邪而變猛。

虎因果分明。故云善惡報也。

按史無此二人。係空中撰出。

略云。魏將林時茂。與高歡子澄

不合。懼禍。遂出家爲僧。法名太空。道號澹然。持一銅禪杖。萬夫莫當。聞梁武帝好善。去魏投梁。道殺人熊以除害。初武帝造妙相寺。請僧鍾守靜住持。有司奏林義勇。詔林爲副帝。幸寺聆鍾講經。甚致敬禮。七寶莊嚴。金爐珠珞。爲諸寺冠。有盜乘夜入劫。縛鍾欲殺。林逐盜去。鍾賴以全。鍾談論鋒起。若有道者。持戒不篤。鄰居沈全妻黎賽玉。入寺禮佛。鍾忽情牽。賄趙媼。勾與淫蕩。林知。恐其敗露。邀鍾茶話。具論律中色慾之戒。最宜愆慎。以隱諷之。鍾面發赤。抵云。地獄當自受耳。何與他人事。林屢諫不悛。鍾啣甚。譖于武帝云。林本魏人。潛與魏通。恐謀不軌。帝遣逮林。林覺先遁。初林逐盜不殺。頗給以金。盜感泣而去。林遁走。夜過一山。盜知是林。留數日。林抵汴。爲捕者所獲。送都督杜成治所。成治父悅。嘗受林恩。乃取囚類林者殺之。函首京師。鍾奏非是。激帝怒。遣校尉逮成治。成治自裁。其妾馮。有遺腹。生子伏威。成治旣釋。林卽入魏。而諸盜聞鍾害林狀。沈全



亦在盜中。遂相率之金陵。焚妙相寺。殺鍾與黎而去。帝聞。遣將討賊。賊首薛志義被戮。其黨沈全等匿其子舉入魏。林之入魏也。投張太公莊。張有子爲狐所魅。林爲執狐。狐引林入山。獲天書符籙。太公之子生子善相。與薛舉杜伏威同入鄉塾讀書。皆事林如父。舉伏威皆有神力。童稚時。共搏猛虎溪澗中。殺之。林因授三人以兵法。其後三人者。皆建功業于隋唐之世。而沈全遂爲薛部將。一日林跌坐。有白犬黑猪吐人言乞救。及訊之。犬乃趙媪。猪卽養玉也。且言鍾破禁戒。已變爲虎矣。隕黎趙等壞其清修。欲嚙殺之。乞林解救。林許諾。未幾。一虎咆哮而至。林爲說因果。使居石洞中。與猪犬蹲伏聽法。林後成正覺云。唐書薛舉。蘭州金城人。容貌魁岸。武敢善射。殖產鉅萬。好結納邊豪。爲長雄。隋大業末。任金城府校尉。隴西盜起。與子仁杲劫金城。令郝瑗于坐。卽起兵。自號西秦霸王。所徇皆下。盡有隴西地。嘗攻扶風。秦王擊破之。逐北至隴。舉踰隴走武德元年。屯兵析城。以遊軍掠岐豳。秦王禦之。次高墟。大敗劉文静。殷開山兵欲乘

勝趨長安。方行而病卒。子仁杲代立。旋滅。杜伏威。齊州章丘人。少豪蕩。不治

生貲。與里人輔公祏。約刎頸交。公祏數盜姑家牧羊。以餽伏威。縣迹捕急。乃相

與亡命爲盜。時年十六。伏威狡譎多算。每剽劫。衆用其策。皆效。嘗營護諸盜。出

爲導。入爲殿。故其黨愛服。隋大業九年。入長白山。依賊左君行。渡淮。攻歷陽。據

之。徙丹陽。自稱大行臺。越王侗以爲東南道大總管。封楚王。是時秦王方討王

世充。遣使招懷。伏威乃獻款。高祖授以東南道行臺尚書令。江淮安撫大使。上

柱國。吳王。賜姓。豫屬籍。入朝。留京師。位在齊王元吉上。武德七年卒。張善相

襄城人。大業末爲里長。督兵迹盜。爲衆附賴。乃據許州。奉李密。密敗。挈州以來。

詔卽授伊州總管。王世充攻之。屢困賊。遣使三輩請救。朝廷未暇也。城陷被執。

罵賊見殺。高祖歎曰。吾負善相。善相不負我。乃封其子襄城郡公。按三人傳皆未言其父何

人。想無可考。舉父爲盜。揣摩近是。伏威父爲都督。則無是理。善相祖曰張太公。則因爲里長而推原之也。薛舉鷙悍。伏威年十六而作賊。皆與史合。但人地各

異。未必曾相識。

三世記

未知誰作。演王桂香三世脩行前因後果。故曰三世記也。有刻釋家因果事蹟名曰寶卷詳載其事

略云。泗州雲河寺中老衲道人。自幼出家。專心念佛。年近七十。晨夕禮拜金

剛經。里民王進達者。富而好善。妻胡氏。四十無子。觀音大士化身。導令廣種福

田。夫婦詣寺中祈嗣。老衲為言。嘗許禮拜金剛經五年。未得圓滿。進達請延僧

代拜。以月易年。衲感其意。云。君能了吾之願。吾當繼君之後。進達如言。禮經。功

德圓滿。胡氏得孕。及期生女。異香滿室。而衲于是日坐化。宋仁宗時駙馬錢景臻尚主。太后令夫婦

入佛院求嗣。有老道者見其富貴。願為主子。已而主果有姓。生子之日。道者化去。其事與此相類。同邑趙者。祥與進達交好。生

子令芳。遂與進達聯姻。久之。胡氏去世。進達繼娶馬氏。挈其子侯七同居。母子

濟惡。欲吞進達之產。乘進達行視莊田。索租徵債。馬氏逼桂香庫房鑰匙。桂香

不肯與。乃恣意毒捶。罰令擔水推磨。奪取鑰匙。桂香受苦不堪。赴母墳自縊。進

達適過。救還家。問馬氏母子。抵云。女有私情。與所歡逃去。進達出女與視。遂逐

馬不容入己房。馬頗自愧。而侯七頓起惡心。乘闇持刀欲殺進達。竟誤弑其母。明晨進達見妻被殺。不知所因。方大驚駭。侯七脅持進達。進達予之金。七遂持金詣官。告進達父女。以行金爲證。女恐父不任受刑。自認殺母。問官憫其幼。減等擬絞。押赴市曹。忽焉天地昏慘。雷轟電掣。失去桂香。雷神攝置石崖之上。而擊殺侯七。進達與耆祥父子。根躡桂香。得之崖畔。乃以歸于令芳。桂香自七歲持誦金剛經。及歸令芳。生一男一女。已而功德圓滿。天曹召赴陰司講經。事畢當還陽。而棺閉難返。會有張門王氏妙元。樂施好善。乃以桂香轉女成男。爲其遺腹之子。稍長。讀書報國寺中。名曰善慶。大士於夢中示現。指明三世因緣。又于其左脇下刺寫王進達之女王桂香八字。善慶一舉成名。選得縣令。值清明節。王趙皆上墳掃墓。善慶直詣其處。與父進達夫令芳說明轉身三世。更啟脇字示之。且呼男女共見。同歸極樂。參見如來。

洞賓用格致誠正修苦空禪戒定

清虛元妙覺盡心知性明心見性修心煉性相配亦頗工切然降龍羅漢非達磨弟子又達磨隻履西歸遇見宋雲于葱嶺劇云柳樹精偷去禪鞋一隻達磨

遂隻履西歸降龍爲師追  
柳水淹石崖未免太幻

### 竹葉舟

元人所撰竹葉舟雜劇乃陳季卿本事已經另見此則借用在石崇名下以竹葉舟

爲僧家妙用譬之邯鄲之枕入夢出夢將石崇實跡皆作幻境借舟爲喻示宦

海風波之意也晉書石崇傳崇字季倫侍中石苞第六子生于青州故名齊

奴苞臨終分財物與諸子獨不及崇其母以爲言苞曰此兒雖小後自能得劇云

崇出身漁家海邊捕魚網得金鯉縱去乃海龍王子也引崇謁王王贈珍寶無算崇因以起家此係撰出與史不合後爲城陽太守伐吳


有功封安陽鄉侯累遷侍中出爲南中郎將荊州刺史領南蠻校尉加鷹揚將

軍任俠無行檢在荊州劫遠使商客致富不貲按是時荊州所轄甚大既領南

客海船居多劇云崇於佛寺見僧語以心慕富貴僧取竹葉爲舟令上此舟則

富貴可得崇視舟中種種具足披篋鼓棹縱其所如網鯉謁龍遂獲聚寶盆之

賜其後功名富貴閱數十年被戮市曹厥夢初醒葉舟如故僧尙在旁遂豁然  
醒悟相從學道蓋因崇本凶終難以團圓故影借設幻以作關目亦因崇劫海  
船故以舟徵爲大司農復拜大僕衛尉崇有別館在河陽之金谷一名梓澤送



者傾都帳飲于此焉。與潘岳諂事賈謐。謐與之親善。號曰二十四友。劇內與潘岳劉琨賈

謐等飲宴金谷園中。據此文選載崇金谷園序。財產豐積。室宇宏麗。後房百數。皆曳紈繡。珥金翠。絲

竹盡當時之選。庖膳窮水陸之珍。與貴戚王愷羊琇之徒。以奢靡相尚。愷以糴

澳釜。崇以蠟代薪。愷作紫絲布步障四十里。崇作錦步障五十里。武帝每助愷

嘗以珊瑚樹賜之。高二尺許。枝葉扶疎。世所罕比。愷以示崇。崇便以鐵如意擊

之。應手而碎。愷以爲疾己之寶。聲色方厲。崇乃命左右。悉取珊瑚樹。有高三四

尺者六七株。條幹絕俗。光彩耀日。如愷比者甚衆。劇中大略相仿劉輿兄弟。輿弟少時

爲王愷所嫉。愷召之宿。因欲坑之。崇素與輿等善。聞當有變。夜馳詣愷。問二劉

所在。愷迫卒不得隱。崇逕造于後齋。索出同車而去。語曰。年少何以輕就人宿。

劇中亦載崇救劉琨事。及賈謐誅。崇以黨與免官。時趙王倫專權。崇甥歐陽建與倫有隙。

崇有妓曰綠珠。美而艷。善吹笛。孫秀使人求之。崇時在金谷別館。方登涼臺。臨

清流。婦人侍側。使者以告。崇盡出其婢妾數十人以示之。皆蘊蘭麝。被羅縠。曰。

在所擇。使者曰：君侯服御麗則麗矣。然本受命指索綠珠，不識孰是。崇勃然曰：綠珠吾所愛，不可得也。使者出而又反。崇竟不許。秀怒，乃勸倫誅崇。崇正宴于樓上，介士到門。崇謂綠珠曰：我今爲爾得罪，綠珠泣曰：當効死于官前。因自投于樓下而死。載詣東市。崇歎曰：奴輩利吾家財，收者荅曰：知財致害，何不早散之。崇不能荅。

按史傳崇與孫秀初本無交，亦無仇隙，止因綠珠起釁耳。劇云秀起微賤，由崇所拔，爲崇趨走，聘取綠珠，其後附倫背崇，皆係增綴。

秀爲小吏，潘岳嘗狎侮之，非石崇也。

綠珠別傳：綠珠者，姓梁，唐白州博白縣人。漢合浦縣地。州

境有博白山，博白江，盤龍洞，房山，雙角山。山上有池，池中有婢妾魚。綠珠生雙

角山下，美而艷，越俗以珠爲上寶。生女爲珠娘，生男爲珠兒。綠珠之字，由此而

稱。晉石崇爲交趾採訪使，以眞珠三斛致之。

喬知之綠珠詩：明珠十斛買娉婷。

崇有別廬在河

南金谷澗，澗中有金水。自太白源來。崇卽川阜製園館。綠珠能吹笛，又善舞。明

君明君卽昭君也。崇以此曲教之，自製新歌，又製懊惱曲，以贈綠珠。珠墜樓死。

時人名其樓曰綠珠樓。

劇內綠珠事實本此。

季倫死後十日，左衛將軍趙泉斬孫秀于中

書。又按鬪風傳。崇擇美容姿相類者數十人。聽珮聲視釵色。玉聲輕者居前。金色豔者居後。又屑沈水之香如塵末。布致象床上。使所愛踐之。無迹者卽賜眞珠百琲。若有跡者。則節其飲食。令體輕弱。故閨中相戲曰。爾非細骨輕軀。那得百琲明珠。劇言崇以香塵試珠。踐之無跡。故以明珠十斛買之本此。江總詩。綠珠銜淚舞。孫秀強相邀。晉書。王愷。文明皇后之弟。字君夫。爲射聲校尉。轉後將軍。世族國戚。性復豪侈。所欲之事。無所顧憚。

### 不了緣

未詳誰作。所載鶯鶯事。据會眞記後段。崔已委身于人。張生以外兄求見。崔賦詩與張云。棄置今何道。當時且自親。還將舊來意。憐取眼前人。由是張生志絕。作者以爲此不了之緣也。故名曰不了緣云。劇中崔所嫁卽鄭恆。是据西廂記中姓名。非會眞所有。鄭恆墓誌。娶崔氏。應卽是鶯。西廂各種。皆取與鶯完配。蓋据會眞前半。而翻易其後半也。作者以後半乃實蹟。而西廂面目全改。遂



成此數折。以鶯歸鄭恆。而崔張爲不了之緣。觀棄置一詩。有憐取眼前人之句。則是元稹已娶韋氏之後。白居易和橫夢遊春詩。韋門女清貴。裴氏甥賢淑。稹細采香膠解。盡日風吹璫。瑀箏又爲求志文。於昌黎韓愈。其門第品流。視崔不相上下。橫詩云。謝公最小偏憐女。然則稹妻或係相國之女。而作西廂者。牽合爲崔。其詞雖怨。而相戀之意。殆猶有之。不了緣之名。蓋佛法所謂招因帶果。又添一重公案也。

### 摘星記

不知誰作。演霍仲孺事也。仲孺本與衛少兒私通。劇以爲原屬夫婦。衛媪三女。長君孺。次少兒。又次子夫。劇則去君孺而增一淑女。且并爲霍仲孺妻。衛媪本平陽公主家僮。劇以爲張湯首媪。是衛律宗族。故將少兒入官爲奴。仲孺河東人。吏畢歸家。少兒所生子去病。爲票騎將軍。道出河東。至平陽傳舍。遣吏迎中孺。大爲中孺買田宅奴婢而去。劇以爲仲孺以修玉牒功。拜副中郎。與蘇武偕使外國。去病破匈奴回。始得相遇。仲孺別娶婦生霍光。劇以爲淑女所生子。少

兒更爲詹事陳掌妻。劇以爲平陽公主欲寘少兒于死。仲孺以計出之。卒爲夫婦。平陽侯本名曹壽。劇作曹時。凡此關目。皆屬作者隨手結撰。非實事也。第六折衛媼與三女夢遊天上。子夫摘紫薇星。少兒摘武曲星。淑女摘文曲星。後子夫爲后。少兒子去病爲將。淑女子光爲相。皆應其夢。情蹟亦屬子虛。

### 種玉記

作者未詳。以少兒生去病爲種玉也。按史。霍光去病弟也。父中孺。河東平陽人。以縣吏給事平陽侯家。與侍者衛少兒私通。而生去病。中孺吏畢歸家。娶婦生光。因絕不相聞。久之。少兒女弟子夫立爲皇后。去病以后姊子貴幸。旣壯大。乃自知爲霍中孺。未及求問。會爲驃騎將軍。擊匈奴。道出河東。遣吏迎中孺。大爲中孺買田宅奴婢。而將光西至長安。任爲郎。又按衛青傳。大長公主囚青欲殺。其友公孫敖往篡之。故得不死。後敖爲騎將軍。與青去病同出擊匈奴。傳奇中前後事蹟。依約史傳而作。惟衛少兒未聞與和親之選。霍光亦無舉賢良科。

及尙主之事也。

### 投筆記

不知誰作。按後漢書班超傳。超字仲升。扶風平陵人。彪之少子也。家貧。爲官傭書以養母。久勞苦。嘗輟業投筆嘆曰。大丈夫無他志略。猶當效傅介子。張騫立功異域。以取封侯。安能久事筆研間乎。其後有相者謂之曰。生燕頰虎頭。飛而食肉。此萬里侯相也。久之除蘭臺令史。十六年。竇固出擊匈奴。以爲假司馬。復遣使西域。超到鄯善。鄯善王廣奉超禮敬甚備。後忽疎懈。超意必有匈奴使來。乃悉會其吏士三十六人。因夜以火攻之。會天大風。超乃順風縱火。前後鼓噪。匈奴衆驚亂。遂斬其使。餘悉燒死。明日召鄯善王。以匈奴使首示之。一國震怖。超曉告撫慰。遂納子爲質。是時于窰王廣德新攻破莎車。雄張南道。超復至于窰。亦殺其匈奴使者。廣德大惶怖而降。超又劫縛疏勒王兜題。示以威信。釋而遣之。超欲悉平諸國。復上疏請兵。平陵人徐幹素與超同志。願奮身佐超。五年。

遂以幹爲假司馬。將千人就超。超遂與幹擊番辰。大破之。又上言願遣使招慰烏孫。八年。拜超爲將兵長史。以徐幹爲軍司馬。別遣衛候李邑使烏孫。李邑始到于寘。而值龜茲攻疏勒。恐懼不敢前。因上書毀超。帝知超忠。乃切責邑。超因擊莎車。降康居。走龜茲。定月氏。破焉耆。于是西域五十餘國。悉皆納質內屬焉。明年。下詔封超爲定遠侯。超自以久在絕域。年老思土。上疏願生入玉門關。而超妹同郡曹壽妻昭。亦上書請超。帝感其言。乃徵超還。超初被徵。以戊己校尉任尙爲都護。與超交代。尙謂超曰。君侯在外國三十餘年。而小人猥承君後。宜有以誨之。超曰。塞外吏士。本非孝子順孫。皆以罪過徙補邊屯。今君性嚴急。宜寬佚簡易。寬小過。總大綱而已。超去後。尙私謂所親曰。我以班君當有奇策。今所言平平耳。又按列女傳。扶風曹世叔妻者。同郡班彪之女也。名昭。字惠班。博學高才。世叔早卒。有節行法度。兄固著漢書。未及竟。和帝詔昭踵而成之。數召入宮。命皇后諸貴人師事焉。號曰大家。鄧太后臨朝。特封子成。關內侯。本中事。

蹟全與正史相合。但本傳止云傭書。而此卽借任尙以實之。以尙後與超交代。有易超之言。遂從此生波。其實超與尙本無宿嫌也。徐幹因佐超于外域。遂用幹以終始之。此傳奇家布置之法。其班超之母。本傳未載。超在西域三十餘年。不應其母尙存。又班昭子名成。而此云穀。與後漢書不符。餘悉彷彿焉。

### 壽榮華

壽榮華者。玉名也。相傳有美玉三塊。皆有刻文在上。一曰壽。一曰榮。一曰華。壽榮二玉在富室藍田璧家。華字之玉在武將公羊瓚所。時有壽希文與藍氏榮娘。公羊氏華娘爲配。三玉並聚。故以壽榮華爲劇名也。未知何人所作。其事亦憑空造出。壽希文者。泗水人。父沒。惟與母居。其姑嫁滎陽藍田璧。藍女榮娘。兩家父母曾有婚姻之約。年旣長。母遣希文探田璧。且欲申前盟。藍子雙玉失學無賴。匪人都有用。其最契也。一日游獵。與勇士卞九州爭雉。爲所毆歸。甚憤恨。值將改年。欲絕應酬。有用令書制中。不敢領帖字于門。希文遠至。見而大駭。

值田璧出。始知無恙。而門帖乃雙玉所妄爲也。希文以告田璧。田璧怒責雙玉。希文亦微誚之。雙玉大恨。而田璧因此抱病垂危。語希文令入賚。出所藏壽榮二玉。一予希文。一付其女。遣人取希文。母來居。時僮相皆集矣。會田璧沒。雙玉不令成婚。而逐希文。且銜宿憾。賄有用。令殺之。希文被逐。方無所寄宿。有用僞作瞽道人。誘至桃花塢。欲殺希文。爲九州所覺。卽用其劍殺有用。而偕希文入都。令應舉。至半途。九州抱恙。乃囑希文獨往。而九州留寺中養病。是時有司求殺人賊。見劍鞘刻藍雙玉字。遣捕之。雙玉遁走。乃執其妹榮娘。置獄中。會希文母已至藍宅。乃爲料理家事。送飯食于榮娘。公羊瓚者。颶陽關之鎮將也。女曰華娘。美而且武。祖傳一玉。刻華字于上。瓚與華娘佩之。叛賊刁七郎。攻破綿竹。牛渚等關。遣部卒僞作緹騎。若奉朝命逮瓚者。華娘虞變。改男粧。屬囊韃。以從。夜抵九州所寓寺內。九州與華娘語。悉其情。疑緹騎非實。及四鼓。緹騎卽趣瓚行。兩人大疑。踵其後。抵曠野。騎欲殺瓚。九州卽奮擊。所殺十餘人。其半逸去。適

藍雙玉以懼禍逃竄。七郎之卒諸遇道。斬其首以充瓚。歸報七郎營。瓚命九州爲先鋒。乘七郎之懈。共討誅之。方具疏敘功。而九州以希文故。脫身往滎陽。爲探視藍宅。至則聞滎娘繫獄。乃告滎陽令曰。殺有用者我。非雙玉也。令卽釋滎娘。繫九州。朝命九州爲總兵官。華娘至滎陽訪之。知在獄中。告令以其故。令大窘。立出九州。九州不願得官。棄而爲僧。以希文之託。囑華娘以藍氏。華娘乃迎希文母及滎娘往。黽陽。逆旅中。故戲調滎。滎怒而峻拒。華告以實。乃偕行。會希文已中鼎元。奉使封王。道經瓚地。瓚令華僞娶滎。以給希文。面擁滎入內。希文謂滎果別嫁。怒甚。瓚遂以己女字之。比成婚。則滎也。盛怒之次。母爲希文分析明白。乃復娶華。滎父所予壽滎二玉。滎已進于姑。及瓚嫁華。付以華字之玉。瓚亦知此玉有三。謂天緣配合。故欣然嫁女。以應玉符云。

### 俠彈緣

一名桃林賺。所演李祐事。祐爲吳元濟僞將。李愬得之以平賊。劇中惟此是實。

其與裴吳二女爲夫婦。及前後關目。皆係增飾。賈元虛鐵性成。則子虛烏有也。作者不知何人。略言李祐江右人。父母在時。曾約婚裴垳之女。名蘭芳。垳任中書舍人。祐欲入京謁之。至嶠函逆旅中。與賈元虛吳素芳相遇。元虛者貧而無行。以誑誘財物爲生涯。素芳則吳元濟之妹。美艷雄猛。服男子服。爲其兄詞事關陝。元虛見祐挾彈。語之曰。此地多綠林。當戒懼。祐逞其能曰。我彈百發百中。彈丸雜鉛鐵。盜賊如我何。素芳出已彈示之。祐輕其年少。殊不爲意。素芳曰。幸同行當護我。祐應曰諾。明日素芳先行。祐未幾及之。素芳曰。請試君彈。祐一發而樹枝拉然折其半。素芳微哂馳去。忽彈聲自祐耳過。打山嘴片石于地。祐大驚。騎已至。視之乃素芳也。祐曰。君欲何爲。素芳曰。我卽綠林之豪也。欲得君貲。更何說。祐度終不能與敵。乃傾囊畀之。素芳特與戲。無取貲心。會元虛至。不可以實告。乃馳去。而心已屬祐。子身往長安。比至而裴垳劾奸相皇甫鏞。爲所中傷。貶桃林令。卽日攜女去。祐方大窘。而朝廷以淮蔡之變。暫停選舉。益徬徨。



無所依。元虛雖小人。頗有智計。念祐豪傑。終當得其力。乃解已囊以資祐。令訪垆于桃林。又念淮蔡方亂。不如往唐鄧。可乘機以取利。乃出關南行。而素芳在道。改女裝。復遇元虛于逆旅。元虛不知爲素芳也。見其貌美。獨行將給而鬻之。極言道梗多險。令認己爲父。可同行。素芳念惟元虛識祐踪跡。僞從其計。已而拔劍欲斬元虛。曰。若識我耶。我卽前與若遇。綠林之豪也。元虛大怖。素芳則告之以實。曰。予若一令箭。俟我于鄧州。素芳歸與兄元濟。誑取鄧州。元虛持箭入謁。素芳語其兄。以遇李祐始末。欲令元虛訪之。元濟亦夙聞祐名。曰。是可壻也。謂元虛。若能致祐。畀若官。元虛遂趨桃林。時祐已謁垆。大喜。館之神廟中。卜日以鼓樂輿馬迎入。贅元虛。訪知其事。先以輿待。令健卒亟舁而行。入舟中。祐覺非是。而元虛在焉。曰。君第從我。花燭俄頃耳。挾至鄧州。元濟欲嫁以妹。祐不肯從。元濟曰。吾妹君舊識。何堅卻也。祐茫然不解。素芳出相見。祐睨視之。卽向時挾彈者也。祐默計不能脫。而此女天下英雄。與之締婚。他日圖事殊易。遂與

成親皇甫縛偵知曰。埒堦從賊。埒反矣。奏捕埒入詔獄。蘭芳大慟。訴之安撫使。而使卽縛黨。抑不爲理。蘭芳欲叩閤。使恐且怒。密遣健卒。令要殺諸途。頭陀鐵性成。途遇健卒。卒使避道。方爭言。見卒意不善。稍稍避去。潛伺之。卒候蘭芳與乳母至。引刀欲殺兩人。頭陀突出。揮禪杖擊殺卒。送蘭芳至長安。祐聞埒入獄。夫婦密計。遣元虛入京圖取埒。元虛僞稱西平王李愬所使。入獄與埒見置酒相對。而以毒酒徧飲獄中人。獄中人盡昏臥。元虛挾一丐者爲家人自隨。乃醉丐者毒酒。易埒衣衣之。遂偕埒出獄。星奔鄧州。獄卒醒。知己失埒。聞朝命卽決埒。乃以木塞丐者口。送西市。丐者不能言。頭陀聞埒將誅。覓城外幽僻地以居。蘭芳而劫埒于法場。以歸。蘭芳趨哭。則非埒。去其口中之木而問之。曰。丐者也。頭陀問丐者。知元虛所爲。乃令丐者爲蘭芳之役。而訪元虛于鄧。元虛之挾埒出也。埒深感其德。及將抵鄧。告以李祐事。及元濟兄妹欲埒相羽翼之故。埒大驚曰。我世爲朝官。可從賊乎。必欲強我有死而已。元虛不敢逼。令寄僧寺中。是

時皇甫鏞以他罪被戮。而李愬方率大兵征淮。蔡遇垺于僧寺。引爲參謀。令立功自贖。元虛料元濟無成。自拔歸愬。以軍情告垺。乃射書城中。風曉。李祐。祐心固不能無動。而素芳與愬戰。愬已大敗。將追及之。鐵頭陀適至。力戰。素芳。愬得走免。而素芳無功。元濟聞垺在愬軍。已疑祐。及素芳戰。忽進忽退。遂大疑。懼其夫婦合于愬。而圖己。召祐切責之。素芳趨辨。并詬素芳。兩人大懼。祐乃射書答垺。許爲內應。於有愬。以垺及元虛爲謀主。鐵頭陀爲先鋒。引兵入蔡。祐夫婦內變。遂擒元濟。送京師。垺遷中書令。愬益封。祐擢隴右節度使。素芳封夫人。元虛頭陀皆授職。祐與蘭芳成婚。蘭芳受夫封。而素芳自以功得封。因祐與素芳以挾彈相遇。祐俠而素芳更俠。故名曰俠彈緣也。祐在桃林。將婚而被賺。故曰桃林賺也。按唐書。憲宗時。裴垺爲中書舍人。其後爲平章政事。未嘗貶官。縣令更無得禍之事。垺之入相。在李吉甫後。是時未征淮。蔡而皇甫鏞之用。乃在末年。前後不相值。李祐本吳元濟之將。未嘗應舉。亦不得爲裴垺之壻。李愬之節。

度也。實兼唐鄧。其破元濟。祐之力居多。後祐亦官至節度。此數節與正史合。賊將董重質。則吳少誠之壻。于元濟當爲姊妹之夫。從賊中歸正。亦累官節度。然其妻亦無事實也。六朝時有李波之妹。從其兄作賊。褰裙逐馬。左射右射。中必疊雙。時人爲作李波小妹歌。劇中素芳善彈。有似于此。

### 雙忠俠

未知何人所作。演雲霄平公謹二人。救李宗勉孟琪。以其爲國爲忠。排難爲俠也。宗勉琪俱名將相。然所演皆捏造。非實事。雲霄字瓊卿。常山人。與燕山平公謹爲莫逆交。偕謁坤元道母。授霄兵書。授公謹劍法。霄欲入京求功名。公謹欲往楚投孟琪。時琪爲荆湖制置使。元將口溫不花與琪相角。每苦不勝。遣人以寶貨番女送右丞相史嵩之。欲其專主和議。撤回孟琪之師。諫議大夫劉晉之爲之交關。嵩之受不花之賄。廷議時。言琪虐兵殃民。不如撤回。專與元將通和爲便。進之等皆附會其說。左丞相李宗勉以其言爲謬。面斥嵩之。嵩之遂與

晉之謀令朝臣共奏珙有叛心恃宗勉爲黨奉旨下二人獄且捕其家屬拘囚珙至中途嵩之又遣家將於途中殺以滅口公謹方欲投珙旅次中微聞家將語及殺珙事明日遇諸道家將拔刀行兇公謹立殺家將救珙使潛逃而已入京訪霄霄初抵京寓靈隱寺甚困宗勉偶入寺見而奇之贈以資斧霄感其德嘗圖報之嵩之旣構陷宗勉珙怒猶未已晉之復設計以珙女秋紅宗勉女玉華送與口溫不花以辱之坤元道母知其事遣桃柳二妖變作二女而往而留二女於左右以待嵩之之敗不花得二妖方欲與昵忽變奇鬼怖而避走乃遣卒持書責嵩之時霄欲救宗勉而無策會嵩之欲覓一幕客以掌書札霄謀得之與嵩之甚昵不花之卒持書至嵩之以示霄令作回札霄乃備悉從前不花通賄事持其書首於朝理宗詰嵩之與晉之皆辭屈乃治二人罪出宗勉及珙妻韓氏於獄復宗勉官赦珙私遁之過授以前職并授霄官公謹投珙爲前鋒用道母所授迷魂陣手擒不花珙與班師道母送二女與珙挈回京師黃門內

官奏於理宗。以玉華嫁。霄秋紅嫁公謹。宋史李宗勉。字彊父。富陽人。開禧元年。進士。爲殿中侍御史。時淮西制置使兼沿江制置副使史嵩之。兼知鄂州。就鄂建牙。宗勉言。荆蠻殘破。淮西正當南北之交。嵩之當制置淮西。則脈絡相連。可以應援。邈在鄂渚。豈無鞭不及腹之慮。當別選鄂守。徑令嵩之移師齊安。又云。進同僉書樞密院事。史嵩之開督府。力主和議。宗勉言。使者可疑者三。嵩之職在督戰。如收復襄光。控扼施澧。招集山砦。保固江流。皆今所當爲。若所主在和。則凡有機會可乘。不無退縮之意。必至虛損歲月。坐失事功。進參知政事。及拜左丞相。兼樞密使。卒。諡文清。孟珙。字璞玉。隨州棗陽人。嘉熙元年。授鄂州諸軍都統制。大元大將忒沒哥入漢陽境。大將口溫不花入淮甸。珙入城。駐帳城樓。指畫戰守。卒全其城。御筆以戰功賞將士。特賜珙金盃。珙益以白金五十兩賜之。二年春。授鄂州江陵府諸軍都統制。未幾。升制置使。兼知岳州。屢以捷聞。久之。珙沒。封吉國公。諡忠襄。史嵩之傳。嵩之常言。江陵非孟珙不可守。

史論以嵩之爲將才。續通鑑綱目。宋理宗嘉熙二年春二月。以史嵩之參知政事。督視京湖江西軍馬。置司鄂州。夏四月。李宗勉參知政事。秋九月。以孟珙爲京湖制置使。冬十月。珙復郢州荊門軍。三年春正月。李宗勉爲左丞相兼樞密使。史嵩之爲右丞相。督視江淮四川京湖軍馬。三月。孟珙復襄陽。十二月。孟珙復夔州。四年二月。以孟珙爲四川宣撫使。夏四月。召史嵩之還。冬閏十二月。李宗勉卒。淳祐四年秋九月。詔起復史嵩之。按宗勉嵩之同時爲左右丞相。劇中所記相合。本傳宗勉所議。雖與嵩之微有不同。然未有隙。且俱非並相時事。珙本在嵩之部下。其後同將兵。亦未嘗有隙。且嵩之尙薦珙守江陵。何嘗害珙。宗勉珙皆未嘗受禍。嵩之亦未嘗被收也。至兩家女子事。係添出。不見史傳。

### 忠義烈

不知何人作。自嚴嵩父子及海瑞外。姓名悉詭託。劇內有杜憲盡忠。周仁仗義。仁妻激烈。故以是名也。略云。杜憲與嚴嵩不合。洞蠻擾滇。嵩奏憲往征。有貧

士周仁者。逋官糧。貸于憲子文學。助貲還券。仁感其恩。欲爲僕以報。學與結爲弟兄。學妻與仁妻稱姊妹。留與同居。勇士張武烈應試。嵩爲考官。嫌烈貌陋。責逐之。烈憤投河。爲文學所拯。憐其勇。作書寄父。令持往効力。烈詣滇。馬蹈蠻陷坑。被擒。用爲將。使搦戰。烈佯敗。不與憲敵。而嵩素啣憲。遂劾憲。按兵不進。私與蠻通。詔令賜鳩。嵩並逮。憲子文學繫獄。時海瑞爲都御史。劾嵩誣憲。以毀謗大臣論辟。令嵩監赴市曹。瑞曾爲世宗皇子傅。皇子親往送。延過午時三刻。令宦官罵嵩。拔其髻。嵩以手掩。互觸皇子。皇子自裂袍袖。奏于世宗。罰嵩月俸。赦瑞。復其職。令招撫洞蠻。文學妻被寇。入寺祈安。適嚴世蕃至。覘其美。欲圖之。使門客鳳承東往說。承東以世蕃勢壓周仁。令主其事。仁無可爲計。謀於其妻。妻云。不從必罹禍。可佯諾之。當挾刃代往。誅此賊。洩恨。報杜氏恩。仁乃給世蕃毋害文學。當如命。蕃喜不勝。囑部與承東及仁經歷冠帶。以酬其意。出文學於獄。出之滇南。及花燭。仁妻手刃蕃。怯弱不能斃。遂自刎。里中父老皆恨周仁負恩義。



仁不與辯。文學成溟遇瑞軍。往投謁瑞。令贊畫立功。瑞以大義曉洞蠻。武烈首倡納款。班師論功。文學武烈皆授職。學奏妻被蕃逼勒。周仁負義。詔瑞與學研審。仁具言始末。學始知仁夫婦仗義。而妻故無恙。於是世蕃與承東皆伏罪。文學夫婦復得團聚云。按明世宗時。滇南苗蠻雖有梗化。其時委之巡撫呂光洵。光洵與嚴嵩無讐怨。未嘗得重禍。據劇云。被鳩而殺。疑暗指張經。翟鵬。王忬。楊選輩也。經禦倭寇。劇云。洞蠻疑指經事。嵩居相位。海瑞未爲朝官。安得爲都御史。瑞于萬曆十一年。以吏部侍郎召。逾一二年。始遷右都御史。與嵩相去三十年。太遼闊也。瑞由舉人得官。未嘗爲皇子傅。世宗時。高拱乃裕王之傅也。瑞嘗撫蘇松。又常爲操江。無撫洞蠻事。其他盡屬空中樓閣。

### 莽書生

未知何人所作。紀高賢寧鐵鉉事。實蹟頗多。而增換亦不少。就所敷演。略加辨證。以其中間關係明代史事。恐直僞混淆也。賢寧以諸生上書成祖。勸其罷兵。

故名之曰莽書生。劇中大略言鐵鉉字鼎石爲濟南布政。燕王起兵與盛庸并力同抗庸。初戰勝。旣而被殺。姚廣孝爲燕王畫策。引兵南下。直抵金陵。但令張玉圍濟南。濟陽諸生高賢寧上燕王周公輔成王論。玉爲送進。燕王答以謁陵清宮之後。始議罷兵。賜賢寧令箭一支。聽其自便。按鐵鉉以山東參政督餉。濟南李景隆兵旣敗。單騎入城。燕王列陣圍之。鉉悉力捍禦。卽擢布政使。而召景隆還朝。以都督盛庸代景隆總兵事。燕兵圍濟南久。乃堰水灌城。鉉撤守具。出居民詐降。迎王入城。王下令退軍。率數騎渡橋。直至城下。城門開。守者皆伏堵間。王入門。鐵板急下。傷馬首。王驚易馬而馳。濟南人挽橋。橋堅。燕王竟從橋逸。復合圍。以礮擊城。鉉書高皇帝神牌懸于城下。燕兵不敢擊。鉉每出不意。令壯士突擊燕兵。皆破之。燕王撤圍還北平。鉉庸復德州。兵勢大振。上卽軍中擢鉉兵部尙書。贊理軍事。封庸歷城侯。劇內掛軸溝城詐降等。正其事也。但盛庸以守濟南功封侯。又與鉉同守東昌。大敗燕兵。殺張玉於陣。其後猶數有戰功。

建文四年浦口戰敗。乃降燕。永樂元年都御史陳瑛奏以怨望下獄死。今云陣亡。謬也。東昌之守鉉功最大。至告捷于太廟。劇旣以鉉爲綱。而不敘守東昌事。亦太疎漏。張玉戰沒于陣。劇云燕兵南下。而命玉圍濟。亦謬也。燕王射書濟南城內。招降高賢寧。在圍城中。作周公輔成王論答射。請罷兵。不報。劇所演是實。賢寧乃教諭王省之門人。省已於濟陽殉節。劇云鐵鉉門人。蓋射書答燕。當屬鉉所指授。不爲紐合。其云身造張玉營。又云燕王授以令箭。則涉妄矣。劇又云金川不守之後。鐵司馬殉節。成祖捕其家屬。賢寧用令箭於驛中。誑出一子壽安。寄養於天界寺。宗泐禪師處。聞鐵司馬見法。往哭其尸。旨問何人。賢寧奏師生誼篤。成祖知是射書之人。使紀綱傳旨。准令收葬。授賢寧給事中之職。賢寧不受而去。成祖以鐵夫人予高麗使臣。其二女發教坊。賢寧復持令箭至船中。誑以追回鐵夫人。潛挈逃竄。夜投姚廣孝姊之家。素知廣孝姊負俠名。告以實情。遂留鐵夫人同住。賢寧又入京訪鐵二女。時有張太宰沃之子。欲犯二女爲

所斫傷。太宰控於錦衣指揮使紀綱。欲重罪二女。綱訊得二女守節狀。又得其  
所題箋。乃爲奏聞於朝。恩許選士人以配。綱又奏賢寧摯誼俠骨。請以二女配  
之。詔依所奏。且授賢寧爲建文榜進士。令綱主婚。賢寧接鐵夫人至京。乃畢姻  
事。而壽安亦隨母至京。詔旨授爲監生。初姚廣孝佐成祖殺戮建文諸臣。探宗  
泐於天界寺。宗泐以壽安予廣孝爲子。而雲游遠方。廣孝攜歸蘇州。探其姊于  
村中。爲姊所痛詈。廣孝乃遺姊書。付之以子。姊固知有因果。留居於家。俾與其  
母相會。故得偕至京師也。按成祖初賢寧被執。成祖曰。是作論秀才耶。好人也。  
欲官之。賢寧固辭。其友紀綱爲錦衣指揮。勸令就職。賢寧曰。子以軍旅出身。予  
書生也。食廩有年。於義不可綱言於成祖。遣歸。年至九十有七。劇中授職固辭。  
乃係實蹟。而稍文飾之。其救鐵司馬一家。則無此事。成祖縛鐵司馬入見。不肯  
一顧。遽令族之。無發姚廣孝審鞠事。鉉妻楊氏。劇云秦亦誤。妻與二女發教坊。  
楊卽病死。楊無給高麗使臣之說。二女誓不受辱。成祖曰。彼竟不屈耶。赦出皆

適士人未嘗云適賢寧也。相傳有鐵女二詩。末句云春來雨露深如海。嫁得劉郎勝阮郎。然此本元時妓女詩。亦不似鐵女所作。其子福安寧安。一發河池編伍。一發鞍轡局充匠。卒皆被殺。無獨存一子之說。廣孝謁姊。姊罵曰。做和尚不了。豈有好人。劇中痛罵廣孝。本此。廣孝晚年收得一子。取名曰繼。故劇中借此以爲鐵壽安也。宗泐。明初名僧。頗多著述。廣孝未遇時。嘗題詩僧寺。語多不順。宗泐呼其字曰斯道。斯道。汝薄南朝矣。是二人本相厚。而意見不相同也。張太宰沃。亦無其人。紀綱於成祖時。大市威福。劇中未免全然做好。賢寧哭鐵司馬。成祖褒嘉其義。本係添飾。蓋影借漢高賞爨布哭彭越事也。

曲海總目提要卷四十三終

曲海總目提要卷四十三終